

Draft Release Version

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदिय तैत्तिरीय संहिता क्रम पाठः

चतुर्थ काण्डे – तृतीयः प्रश्नः

Table of Contents

4. कृष्ण यजुर्वेदिय तैत्तिरीय संहिता क्रम पाठः	3
4.3 चतुर्थ काण्डे तृतीयः प्रश्नः – चित्तिवर्णनं	3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

4. कृष्ण यजुर्वेदिय तैत्तिरीय संहिता क्रम पाठः

4.3 चतुर्थ काण्डे तृतीयः प्रश्नः – चितिवर्णनं

T.S.4.3.1.1 - Kramam

अ॒पाम् त्वा॑ । त्वे॒मन् । ए॒मन्थ् सा॒दयामि॑ । सा॒दया॒म्यपा॒म् । अ॒पाम्
त्वा॑ । त्वो॒द्मन् । ओ॒द्मन्थ् सा॒दयामि॑ । सा॒दया॒म्यपा॒म् । अ॒पाम् त्वा॑ ।
त्वा॑ भ॒स्मन् । भ॒स्मन्थ् सा॒दयामि॑ । सा॒दया॒म्यपा॒म् । अ॒पाम् त्वा॑ ।
त्वा॑ ज्यो॒तिषि॑ । ज्यो॒तिषि॑ सा॒दयामि॑ । सा॒दया॒म्यपा॒म् । अ॒पाम् त्वा॑ ।
त्वा॑ऽय॒ने । अ॒यने॑ सा॒दयामि॑ । सा॒दया॒म्यर्ण॒वे । अ॒र्णवे॑ स॒दने॑ । स॒दने॑
सी॒द । सी॒द स॒मुद्रे॑ । स॒मुद्रे॑ स॒दने॑ । स॒दने॑ सी॒द । सी॒द स॒लिले॑ ।
स॒लिले॑ स॒दने॑ । स॒दने॑ सी॒द । सी॒दापा॒म् । अ॒पाम् क्ष॒ये । क्ष॒ये सी॒द ।
सी॒दापा॒म् । अ॒पाꣳ स॒धिषि॑ । स॒धिषि॑ सी॒द । सी॒दापा॒म् ।
अ॒पाम् त्वा॑ । त्वा॑ स॒दने॑ । स॒दने॑ सा॒दयामि॑ । सा॒दया॒म्यपा॒म् । अ॒पाम्
त्वा॑ । त्वा॑ स॒धस्थे॑ । स॒धस्थे॑ सा॒दयामि॑ । स॒धस्थ॑ इति॑ स॒ध – स्थे॑ ।
सा॒दया॒म्यपा॒म् । अ॒पाम् त्वा॑ । त्वा॑ पु॒रीषे॑ । पु॒रीषे॑ सा॒दयामि॑ ।

सा॒द॒या॒म्य॒पा॒म् । अ॒पा॒म् त्वा॑ । त्वा॑ यो॒नौ॑ () । यो॒नौ॑ सा॒द॒या॒मि ।
 सा॒द॒या॒म्य॒पा॒म् । अ॒पा॒म् त्वा॑ । त्वा॑ पा॒थ॒सि॑ । पा॒थ॒सि॑ सा॒द॒या॒मि ।
 सा॒द॒या॒मि गा॒य॒त्री । गा॒य॒त्री छ॒न्दः॑ । छ॒न्द॑स्त्रि॒ष्टुप् । त्रि॒ष्टुप् छ॒न्दः॑ ।
 छ॒न्दो॑ जग॒ती । जग॒ती छ॒न्दः॑ । छ॒न्दो॑ऽनु॒ष्टुप् । अ॒नु॒ष्टुप् छ॒न्दः॑ ।
 अ॒नु॒ष्टु॒बि॒त्य॒नु॒ – स्तु॒प् । छ॒न्दः॑ प॒ङ्क्तिः॑ । प॒ङ्क्ति॑ ऽछ॒न्दः॑ ।
 छ॒न्द॑ इति॑ छ॒न्दः॑ ॥ 1 (65/67)

(यो॒नौ – पञ्च॑द॒श च॑) (A1)

T.S.4.3.2.1 - Kramam

अ॒य॒म् पु॒रः॑ । पु॒रो भु॒वः॑ । भु॒व॒स्त॒स्य॑ । त॒स्य॑ प्रा॒णः॑ । प्रा॒णो
 भौ॒वा॒य॒नः॑ । प्रा॒ण इति॑ प्र – अ॒नः॑ । भौ॒वा॒य॒नो व॒स॒न्तः॑ । व॒स॒न्तः॑
 प्रा॒णा॒य॒नः॑ । प्रा॒णा॒य॒नो गा॒य॒त्री । गा॒य॒त्री वा॒स॒न्ती । वा॒स॒न्ती गा॒य॒त्रि॒यै ।
 गा॒य॒त्रि॒यै गा॒य॒त्र॒म् । गा॒य॒त्र॒म् गा॒य॒त्रा॒त् । गा॒य॒त्रा॒दु॒पा॒ञ्शुः॑ ।
 उ॒पा॒ञ्शु॒रु॒पा॒ञ्शोः॑ । उ॒पा॒ञ्शु॒रि॒त्यु॒प – अ॒ञ्शुः॑ । उ॒पा॒ञ्शो॒स्त्रि॒वृ॒त् ।
 उ॒पा॒ञ्शो॒रि॒त्यु॒प – अ॒ञ्शोः॑ । त्रि॒वृ॒त् त्रि॒वृ॒तः॑ । त्रि॒वृ॒दि॒ति त्रि॑ – वृ॒त् ।
 त्रि॒वृ॒तो र॒थ॒न्त॒र॒म् । त्रि॒वृ॒त इति॑ त्रि॑ – वृ॒तः॑ । र॒थ॒न्त॒र॒ञ् र॒थ॒न्त॒रा॒त् ।
 र॒थ॒न्त॒र॒मि॒ति र॒थ॒म् – त॒र॒म् । र॒थ॒न्त॒रा॒द् व॒सि॒ष्ठः॑ ।

चतुर्थ काण्डे – तृतीयः प्रश्नः – (TS 4.3)

रथ॑न्तरा॒दिति॑ रथम् – तरा॒त् । वसि॑ष्ठ ऋषिः॑ । ऋषिः॑ प्र॒जाप॑तिगृहीतया ।
प्र॒जाप॑तिगृहीतया॒ त्वया॑ । प्र॒जाप॑तिगृहीतयेति॑ प्र॒जाप॑ति – गृही॒तया॒ ।
त्वया॑ प्रा॒णम् । प्रा॒णम् गृ॒ह्णामि॑ । प्रा॒णमि॑ति प्र – अ॒नम् ।
गृ॒ह्णामि॑ प्र॒जाभ्यः॑ । प्र॒जाभ्यो॑ऽयम् । प्र॒जाभ्य॑ इति॑ प्र – जा॒भ्यः॑ ।
अ॒यम् दक्षि॑णा । दक्षि॑णा वि॒श्वकर्मा॑ । वि॒श्वकर्मा॑ तस्य॑ । वि॒श्वकर्मे॑ति॑
वि॒श्व-कर्मा॑ । तस्य॑ मनः॑ । मनो॑ वैश्वकर्म॑णम् । वैश्वकर्म॑णम् ग्री॒ष्मः ।
वैश्वकर्म॑णमिति॑ वैश्व – कर्म॑णम् । ग्री॒ष्मो मान॑सः । मान॑सस्त्रि॒ष्टुक् ।
त्रि॒ष्टुग् ग्रै॒ष्मी । ग्रै॒ष्मी त्रि॒ष्टुभः॑ । त्रि॒ष्टुभ ऐ॒डम् । ऐ॒डमै॒डात् ।
ऐ॒डाद॑न्तर्या॒मः । अ॒न्तर्या॒मोऽन्तर्या॒मात् । अ॒न्तर्या॒म इत्य॑न्तः – या॒मः ।
अ॒न्तर्या॒मात् पञ्च॑दशः । अ॒न्तर्या॒मादित्य॑न्तः – या॒मात् । पञ्च॑दशः
पञ्च॑दशात् । पञ्च॑दश इति॑ पञ्च – द॒शः । पञ्च॑दशाद् बृ॒हत् ।
पञ्च॑दशादिति॑ पञ्च – द॒शात् । बृ॒हद् बृ॒हतः॑ । बृ॒हतो॑ भर॒द्वाजः॑ ।
भर॒द्वाज॑ ऋषिः॑ । ऋषिः॑ प्र॒जाप॑तिगृहीतया । प्र॒जाप॑तिगृहीतया॒ त्वया॑ ।
प्र॒जाप॑तिगृहीतयेति॑ प्र॒जाप॑ति – गृही॒तया॒ । त्वया॑ मनः॑ ।
मनो॑ गृ॒ह्णामि॑ । 2 (50/67)

T.S.4.3.2.2 - Kramam

गृ॒ह्णामि॑ प्र॒जाभ्यः॑ । प्र॒जाभ्यो॑ऽयम् । प्र॒जाभ्य॑ इति॑ प्र – जाभ्यः॑ ।
 अ॒यम् प॒श्चात् । प॒श्चाद् वि॒श्वव्य॑चाः । वि॒श्वव्य॑चास्तस्य॑ । वि॒श्वव्य॑चा
 इति॑ वि॒श्व – व्य॑चाः । तस्य॑ चक्षुः॑ । चक्षु॑र् वैश्वव्यच॑सम् ।
 वैश्वव्यच॑सम् व॑र्षाणि॑ । वैश्वव्यच॑समिति॑ वैश्व – व्यच॑सम् ।
 व॑र्षाणि॑ चाक्षु॑षाणि॑ । चाक्षु॑षाणि॑ जगती॑ । जगती॑ वा॒र्षी । वा॒र्षी
 जग॑त्याः । जग॑त्या ऋक्ष॑मम् । ऋक्ष॑ममृक्ष॑मात् । ऋक्ष॑माच्छु॒क्रः ।
 शु॒क्रः शु॒क्रात् । शु॒क्राथ् स॑प्तद॒शः । स॑प्तद॒शः स॑प्तद॒शात् ।
 स॑प्तद॒श इति॑ स॑प्त – द॒शः । स॑प्तद॒शाद् वैरू॑पम् । स॑प्तद॒शादिति॑
 स॑प्त – द॒शात् । वैरू॑पं वैरू॑पात् । वैरू॑पाद् वि॒श्वामि॑त्रः । वि॒श्वामि॑त्र
 ऋ॒षिः । वि॒श्वामि॑त्र इति॑ वि॒श्व – मि॒त्रः । ऋ॒षिः प्र॒जाप॑तिगृही॒तया॑ ।
 प्र॒जाप॑तिगृही॒तया॑ त्वया॑ । प्र॒जाप॑तिगृही॒तयेति॑ प्र॒जाप॑ति – गृही॒तया॑ ।
 त्वया॑ चक्षुः॑ । चक्षु॑र् गृह्णामि॑ । गृह्णामि॑ प्र॒जाभ्यः॑ । प्र॒जाभ्य॑ इ॒दम् ।
 प्र॒जाभ्य॑ इति॑ प्र – जाभ्यः॑ । इ॒दमु॑त्तरात् । उ॒त्तरा॑थ् सु॒वः ।
 उ॒त्तरा॑दित्युत् – त॒रात् । सु॒वस्त॑स्य । तस्य॑ श्रो॒त्रम् । श्रो॒त्रं सौ॒वम् ।

चतुर्थ काण्डे – तृतीयः प्रश्नः – (TS 4.3)

सौ॒व॒ श॒रत् । श॒रच्छ्रौ॒त्री । श्रौ॒त्र्यनु॒ष्टुप् । अनु॒ष्टुप्छा॒रदी ।
अनु॒ष्टु॒बित्यनु॒ – स्तुप् । शा॒र॒द्यनु॒ष्टु॒भः । अनु॒ष्टु॒भः स्वा॒रम् । अनु॒ष्टु॒भ
इत्यनु॒ – स्तु॒भः । स्वा॒र॒ स्वा॒रात् । स्वा॒रान् म॒न्थी । म॒न्थी म॒न्थिनः ।
म॒न्थिन॑ एक॒वि॒ंशः । एक॒वि॒ंश॑ एक॒वि॒ंशात् ।
एक॒वि॒ंश॑ इत्ये॒क – वि॒ंशः । एक॒वि॒ंशाद् वैरा॒जम् ।
एक॒वि॒ंशादि॒त्ये॒क – वि॒ंशात् । वैरा॒जं वैरा॒जात् ।
वैरा॒जाज् ज॒मद॒ग्निः । ज॒मद॒ग्निर् ऋ॒षिः ।
ऋ॒षिः प्र॒जाप॒तिगृ॒हीतया॑ () । प्र॒जाप॒तिगृ॒हीतया॑ त्वया॑ ।
प्र॒जाप॒तिगृ॒हीतये॑ति प्र॒जाप॒ति – गृ॒हीतया॑ । 3 (50/64)

T.S.4.3.2.3 - Kramam

त्वया॑ श्रो॒त्रम् । श्रो॒त्रम् गृ॒ह्णामि॑ । गृ॒ह्णामि॑ प्र॒जाभ्यः॑ । प्र॒जाभ्य॑ इ॒यम् ।
प्र॒जाभ्य॑ इति॑ प्र – जा॒भ्यः । इ॒यमु॒परि॑ । उ॒परि॑ म॒तिः । म॒तिस्तस्यै॑ ।
तस्यै॑ वाक् । वाङ् मा॒ती । मा॒ती है॒मन्तः॑ । है॒मन्तो॑ वा॒च्याय॒नः ।
वा॒च्याय॒नः प॒ङ्क्तिः॑ । प॒ङ्क्तिर् है॒मन्ती॑ । है॒मन्ती॑ प॒ङ्क्त्यै॑ । प॒ङ्क्त्यै॑
नि॒धन॑वत् । नि॒धन॑वन् नि॒धन॑वतः । नि॒धन॑वदिति॑ नि॒धन॑ – वत् ।

नि॒धन॑व॒त आ॒ग्रय॑णः । नि॒धन॑व॒त इति॑ नि॒धन॑ – व॒तः । आ॒ग्रय॑ण
 आ॒ग्रय॑णात् । आ॒ग्रय॑णात् त्रि॒णव॑त्रयस्त्रि॒ंशौ । त्रि॒णव॑त्रयस्त्रि॒ंशौ
 त्रि॒णव॑त्रयस्त्रि॒ंशाभ्या॑म् । त्रि॒णव॑त्रयस्त्रि॒ंशावि॑ति
 त्रि॒णव॑ – त्रय॒स्त्रि॒ंशौ ॥ त्रि॒णव॑त्रयस्त्रि॒ंशाभ्या॑ं शा॒क्वर॑रै॒वते॑ ।
 त्रि॒णव॑त्रयस्त्रि॒ंशाभ्या॑मि॒ति त्रि॒णव॑ – त्रय॒स्त्रि॒ंशाभ्या॑म् ।
 शा॒क्वर॑रै॒वते॑ शा॒क्वर॑रै॒वता॑भ्या॒म् । शा॒क्वर॑रै॒वते॑ इति॑ शा॒क्वर॑-रै॒वते॑ ।
 शा॒क्वर॑रै॒वता॑भ्यां वि॒श्वक॑र्मा । शा॒क्वर॑रै॒वता॑भ्यामि॒ति
 शा॒क्वर॑ – रै॒वता॑भ्या॒म् । वि॒श्वक॑र्म ऋ॒षिः । वि॒श्वक॑र्मेति॑ वि॒श्व-क॑र्मा ।
 ऋ॒षिः प्र॒जाप॑तिगृही॒तया॑ । प्र॒जाप॑तिगृही॒तया॑ त्वया॑ ।
 प्र॒जाप॑तिगृही॒तयेति॑ प्र॒जाप॑ति – गृही॒तया॑ । त्वया॑ वाच॒म् । वाच॑म्
 गृह्णामि॑ । गृह्णामि॑ प्र॒जाभ्यः॑ । प्र॒जाभ्य॑ इति॑ प्र – जा॒भ्यः ॥ 4 (30/39)

(त्वया॑ मनो॑-जमद॑ग्निरु॒ऋषिः॑ प्र॒जाप॑तिगृही॒तया॑-त्रि॒ंशच्च॑) (A2)

T.S.4.3.3.1 - Kramam

प्राची॑ दि॒शाम् । दि॒शां व॑सन्तः । व॒सन्त॑ ऋ॒तूना॑म् । ऋ॒तूना॑म॒ग्निः ।
 अ॒ग्निर् दे॒वता॑ । दे॒वता॑ ब्र॒ह्म । ब्र॒ह्म द्र॑विणम् । द्र॑विणम् त्रि॒वृत् ।
 त्रि॒वृत् स्तो॑मः । त्रि॒वृदि॑ति त्रि – वृत् । स्तो॑मः सः । स उ॑ ।

चतुर्थ काण्डे – तृतीयः प्रश्नः – (TS 4.3)

उ॒ पञ्च॒द॒श॒व॒र्त॒निः॑ । पञ्च॒द॒श॒व॒र्त॒नि॒ स्त्र्य॒विः॑ । पञ्च॒द॒श॒व॒र्त॒निरि॒ति॑
पञ्च॒द॒श – व॒र्त॒निः॑ । त्र्य॒विर् वयः॑ । त्र्य॒विरि॒ति त्रि – अ॒विः॑ ।
वयः॑ कृ॒तम् । कृ॒तम॒या॒नाम् । अ॒या॒नाम् पु॒रो॒वा॒तः । पु॒रो॒वा॒तो वा॒तः ।
पु॒रो॒वा॒त इति॑ पु॒रः – वा॒तः । वा॒तः सा॒नगः॑ । सा॒नग ऋ॒षिः॑ ।
ऋ॒षिर् दक्षि॒णा । दक्षि॒णा दि॒शाम् । दि॒शाम् ग्री॒ष्मः । ग्री॒ष्म ऋ॒तूना॑म् ।
ऋ॒तूना॑मिन्द्रः॑ । इन्द्रो॑ दे॒वता॑ । दे॒वता॑ क्ष॒त्रम् । क्ष॒त्रम् द्र॒विण॑म् ।
द्र॒विण॑म् पञ्च॒द॒शः । पञ्च॒द॒शः स्तो॒मः । पञ्च॒द॒श इति॑
पञ्च – द॒शः । स्तो॒मः सः॑ । स उ॑ । उ॒ सप्त॒द॒श॒व॒र्त॒निः॑ ।
सप्त॒द॒श॒व॒र्त॒निर् दि॒त्यवा॑ट् । सप्त॒द॒श॒व॒र्त॒निरि॒ति सप्त॒द॒श-व॒र्त॒निः॑ ।
दि॒त्यवा॑ट् वयः॑ । दि॒त्यवा॑डिति॑ दि॒त्य – वा॑ट् । वय॒स्त्रेता॑ ।
त्रेता॑ऽया॒नाम् । अ॒या॒नाम् दक्षि॒णाद्वा॒तः । दक्षि॒णाद्वा॒तो वा॒तः ।
दक्षि॒णाद्वा॒त इति॑ दक्षि॒णात् – वा॒तः । वा॒तः सना॒तनः॑ । सना॒तन
ऋ॒षिः॑ । सना॒तन इति॑ सना – तनः॑ । ऋ॒षिः प्र॒तीची॑ । प्र॒तीची॑
दि॒शाम् । दि॒शां व॒र्षाः॑ । व॒र्षा ऋ॒तूना॑म् । ऋ॒तूनां वि॒श्वे॑ ।
वि॒श्वे दे॒वाः । दे॒वा दे॒वता॑ । दे॒वता॑ विट् । विड् द्र॒विण॑म् । 5 (50/59)

T.S.4.3.3.2 - Kramam

द्र॒वि॒णꣳ स॒प्त॒द॒शः । स॒प्त॒द॒शः स्तो॒मः । स॒प्त॒द॒श इति॑
 स॒प्त - द॒शः । स्तो॒मः सः । स उ । उ॒वो॒क॒विꣳश॑व॒र्त॒निः ।
 ए॒क॒विꣳश॑व॒र्त॒नि स्त्रि॒व॒थ्सः । ए॒क॒विꣳश॑व॒र्त॒निरि॒त्ये॒क॒विꣳश॑-व॒र्त॒निः ।
 त्रि॒व॒थ्सो वयः॑ । त्रि॒व॒थ्स इति॑ त्रि - व॒थ्सः । वयो॑ द्वा॒परः ।
 द्वा॒परो॒ऽया॒नाम् । अ॒या॒नाम् प॒श्चा॒द्वा॒तः । प॒श्चा॒द्वा॒तो वा॒तः । प॒श्चा॒द्वा॒त
 इति॑ प॒श्चा॒त् - वा॒तः । वा॒तोऽह॒भू॒नः । अ॒ह॒भू॒न ऋ॒षिः । ऋ॒षि॒रु॒दी॒ची ।
 उ॒दी॒ची दि॒शाम् । दि॒शाꣳ श॒रत् । श॒रदृ॒तू॒नाम् । ऋ॒तू॒नाम् मि॒त्रा॒व॒रु॒णौ ।
 मि॒त्रा॒व॒रु॒णौ दे॒वता॑ । मि॒त्रा॒व॒रु॒णा॒वि॒ति मि॒त्रा - व॒रु॒णौ । दे॒वता॑ पु॒ष्टम् ।
 पु॒ष्टम् द्र॒वि॒णम् । द्र॒वि॒णमे॒क॒विꣳशः॑ । ए॒क॒विꣳशः॑ स्तो॒मः । ए॒क॒विꣳशः॑
 इ॒त्ये॒क - विꣳशः॑ । स्तो॒मः सः । स उ । उ त्रि॒ण॒व॒व॒र्त॒निः ।
 त्रि॒ण॒व॒व॒र्त॒नि स्तु॒र्य॒वा॒ट् । त्रि॒ण॒व॒व॒र्त॒निरि॒ति त्रि॒ण॒व - व॒र्त॒निः । तु॒र्य॒वा॒ड्
 वयः॑ । तु॒र्य॒वा॒डि॒ति तु॒र्य॒-वा॒ट् । वय॑ आ॒स्क॒न्दः । आ॒स्क॒न्दो॒ऽया॒नाम् ।
 आ॒स्क॒न्द इ॒त्या - स्क॒न्दः । अ॒या॒नामु॒त्त॒रा॒द्वा॒तः । उ॒त्त॒रा॒द्वा॒तो वा॒तः ।
 उ॒त्त॒रा॒द्वा॒त इ॒त्यु॒त्त॒रा॒त् - वा॒तः । वा॒तः प्र॒लः । प्र॒ल ऋ॒षिः ।

चतुर्थ काण्डे – तृतीयः प्रश्नः – (TS 4.3)

ऋषि॑रू॒र्ध्वा । ऊ॒र्ध्वा दि॒शाम् । दि॒शा॒ ॐ हे॒मन्त॑शि॒शिरौ ।
हे॒मन्त॑शि॒शिरा॑वृ॒तूनाम् । हे॒मन्त॑शि॒शिरा॑विति हे॒मन्त – शि॒शिरौ ।
ऋ॒तूनाम् बृ॒हस्प॑तिः । बृ॒हस्प॑तिर् दे॒वता॑ ॥ दे॒वता॑ वर्चः ।
वर्चो॑ द्र॒विणम् । द्र॒विणम् त्रि॒णवः । त्रि॒णवः स्तो॒मः । त्रि॒णव इति॑
त्रि – न॒वः । स्तो॒मः सः । स उ । उ त्रय॑स्त्रि॒ंशव॑र्तनिः ।
त्रय॑स्त्रि॒ंशव॑र्तनिः प॒ष्ठवा॑त् । त्रय॑स्त्रि॒ंशव॑र्तनिरिति॑
त्रय॑स्त्रि॒ंश – वर्त॑निः । प॒ष्ठवा॑द् वयः () । प॒ष्ठवा॑दिति प॒ष्ठ – वा॒त् ।
वयो॑ऽभि॒भूः । अ॒भि॒भूर॑या॒नाम् । अ॒भि॒भूरि॑त्यभि – भूः । अ॒या॒नाम्
वि॒ष्वग्वा॑तः । वि॒ष्वग्वा॑तो वा॒तः । वि॒ष्वग्वा॑त इति वि॒ष्वक् – वा॒तः ।
वा॒तः सु॒पर्णः । सु॒पर्ण ऋ॑षिः । सु॒पर्ण इति सु॒पर्णः । ऋ॑षिः पि॒तरः ।
पि॒तरः पि॒ताम॑हाः । पि॒ताम॑हाः प॒रे ॥ प॒रेऽव॑रे । अ॒वरे॑ ते । ते नः ।
नः पा॒न्तु । पा॒न्तु ते । ते नः । नो॒ऽव॑न्तु । अ॒वन्त्व॑स्मिन् । अ॒स्मिन्
ब्र॒ह्मन् । ब्र॒ह्मन् अ॒स्मिन् । अ॒स्मिन् क्ष॒त्रे ॥ क्ष॒त्रेऽस्या॑म् । अ॒स्यामा॑शि॒षि ।
आ॒शिष्य॑स्याम् । आ॒शिषी॑त्या ॥ – शि॒षि । अ॒स्याम् पु॒रोधा॑याम् ॥
पु॒रोधा॑याम॒स्मिन् । पु॒रोधा॑यामिति॑ पु॒रः – धा॑याम् ॥ अ॒स्मिन् क॑र्मन् ।

कर्म॑न्नस्याम् । अस्याम् दे॒वहू॑त्याम् ।

दे॒वहू॑त्यामि॒ति दे॒व - हू॑त्याम् ॥ 6 (78/97)

(विट् - प॒ष्ठवाद् वयो॑ - ऽष्टावि॑शतिश्च) (A3)

T.S.4.3.4.1 - Kramam

ध्रु॒वक्षि॑तिर् ध्रु॒वयो॑निः । ध्रु॒वक्षि॑तिरि॒ति ध्रु॒व - क्षि॑तिः । ध्रु॒वयो॑निर्

ध्रु॒वा । ध्रु॒वयो॑निरि॒ति ध्रु॒व - यो॑निः । ध्रु॒वाऽसि॑ । अ॒सि ध्रु॒वाम् ।

ध्रु॒वां यो॑निम् । यो॒निमा॑ । आ सी॒द । सी॒द सा॒द्ध्य॑ । सा॒द्ध्येति॑

सा॒द्ध्य॑ ॥ उ॒क्षस्य॑ के॒तुम् । के॒तुम् प्र॑थ॒मम् । प्र॑थ॒मम् पु॒रस्ता॑त् ।

पु॒रस्ता॑द॒श्विना॑ । अ॒श्विना॑ऽध्व॒र्यू । अ॒ध्व॒र्यू सा॑दयताम् ।

अ॒ध्व॒र्यू इत्य॑ध्व॒र्यू । सा॒दय॑तामि॒ह । इ॒ह त्वा॑ । त्वेति॑ त्वा ॥

स्वे दक्षे॑ । दक्षे॑ दक्ष॒पिता॑ । दक्ष॒पिते॑ह । दक्ष॒पितेति॑ दक्ष - पि॒ता ।

इ॒ह सी॒द । सी॒द दे॒वत्रा॑ । दे॒वत्रा॑ पृथि॒वी । दे॒वत्रेति॑ दे॒व - त्रा॑ ।

पृथि॒वी बृ॒हती॑ । बृ॒हती॑ ररा॒णा । ररा॒णेति॑ ररा॒णा ॥ स्वा॒स॒स्था त॒नुवा॑ ॥

स्वा॒स॒स्थेति॑ सु - आ॒स॒स्था । त॒नुवा॑ सम् । सं वि॑शस्व ।

वि॒श॒स्व पि॒ता । पि॒तेव॑ । इ॒वैधि॑ । ए॒धि सू॒नवे॑ ॥ सू॒नव॑ आ ।

आ सु॒शेवा॑ ॥ सु॒शेवा॑ऽश्विना॑ । सु॒शेवेति॑ सु - शे॒वा ॥

चतुर्थ काण्डे – तृतीयः प्रश्नः – (TS 4.3)

अ॒श्विना॑ऽद॒ध्वर्यू॑ । अ॒द॒ध्वर्यू॑ सा॒दय॑ताम् । अ॒द॒ध्वर्यू॑ इ॒त्यद॒ध्वर्यू॑ ।
सा॒दय॑ता॒मिह॑ । इ॒ह त्वा॑ । त्वे॒ति त्वा॑ ॥ कु॒ला॒यिनी॑ वसु॒मती॑ ।
वसु॒मती॑ वयो॒धाः । वसु॒मती॑ति॒ वसु॑ – म॒ती । वयो॒धा र॒यिम् ।
वयो॒धा इति॑ वयः – धाः । र॒यिम् नः॑ । नो॒ व॒र्द्ध॑ । व॒र्द्ध॑ बहु॒लम् ।
बहु॒लं सु॒वीर॑म् । सु॒वीर॑मि॒ति सु॑ – वी॒रम् ॥ 7 (50/60)

T.S.4.3.4.2 - Kramam

अपा॒मति॑म् । अ॒मति॑म् दु॒र्मति॑म् । दु॒र्मति॑म् बा॒धमा॑ना । दु॒र्मति॑मि॒ति
दुः – म॒तिम् । बा॒धमा॑ना रा॒यः । रा॒यस्पो॑षे । पो॑षे य॒ज्ञप॑तिम् ।
य॒ज्ञप॑तिमा॒भज॑न्ती । य॒ज्ञप॑तिमि॒ति य॒ज्ञ – प॒तिम् । आ॒भज॑न्ती सु॒वः ।
आ॒भज॑न्तीत्या॑ – भज॑न्ती । सु॒वर् धे॑हि । धे॒हि य॑ज॒माना॑य ।
य॑ज॒माना॑य पो॑षम् । पो॑षम॒श्विना॑ । अ॒श्विना॑ऽद॒ध्वर्यू॑ । अ॒द॒ध्वर्यू॑
सा॒दय॑ताम् । अ॒द॒ध्वर्यू॑ इ॒त्यद॒ध्वर्यू॑ । सा॒दय॑ता॒मिह॑ । इ॒ह त्वा॑ । त्वे॒ति
त्वा॑ ॥ अ॒ग्नेः पु॒रीष॑म् । पु॒रीष॑म॒सि । अ॒सि दे॒वया॑नी । दे॒वया॑नी॒ ताम् ।
दे॒वया॑नीति॑ दे॒व – या॑नी । ताम् त्वा॑ । त्वा॒ विश्वे॑ । विश्वे॑ अ॒भि ।
अ॒भि गृ॑णन्तु । गृ॒णन्तु॑ दे॒वाः । दे॒वा इति॑ दे॒वाः ॥
स्तो॒मपृ॑ष्ठा घृ॒तव॑ती । स्तो॒मपृ॑ष्ठेति॒ स्तो॒म – पृ॑ष्ठा । घृ॒तव॑तीह ।

घृ॒त॒व॒ती॒ति॒ घृ॒त - व॒ती । इ॒ह सी॒द । सी॒द प्र॒जा॒वत् । प्र॒जा॒व॒द॒स्मो ।
 प्र॒जा॒व॒दि॒ति॒ प्र॒जा - व॒त् । अ॒स्मो द्र॒वि॒णा । अ॒स्मो इ॒त्य॒स्मो । द्र॒वि॒णा ।
 आ यज॑स्व । य॒ज॒स्वा॒श्वि॒ना ॥ अ॒श्वि॒ना॒ऽद॒ध्व॒र्यू । अ॒द॒ध्व॒र्यू
 सा॒द॒य॒ता॒म् । अ॒द॒ध्व॒र्यू इ॒त्य॒द॒ध्व॒र्यू । सा॒द॒य॒ता॒मि॒ह । इ॒ह त्वा ॥ त्वे॒ति
 त्वा ॥ दि॒वो मूर्धा॑ । मूर्धा॑ऽसि॒ । अ॒सि पृ॒थि॒व्याः । पृ॒थि॒व्या ना॒भिः ।
 ना॒भिर् वि॒ष्ट॒म्भ॒नी । वि॒ष्ट॒म्भ॒नी दि॒शाम् । वि॒ष्ट॒म्भ॒नीति॑ वि - स्त॒म्भ॒नी ।
 दि॒शाम॑धि॒प॒त्नी । अधि॑प॒त्नी भु॒व॒ना॒ना॒म् । अधि॑प॒त्नीत्य॑धि - प॒त्नी ।
 भु॒व॒ना॒ना॒मिति॑ भु॒व॒ना॒ना॒म् ॥ 8 (50/62)

T.S.4.3.4.3 - Kramam

ऊ॒र्मिर् द्र॒प्सः । द्र॒प्सो अ॒पाम् । अ॒पाम॑सि॒ । अ॒सि वि॒श्व॒क॒र्मा ।
 वि॒श्व॒क॒र्मा ते । वि॒श्व॒क॒र्मेति॑ वि॒श्व - क॒र्मा । त ऋ॒षिः । ऋ॒षि॒र॒श्वि॒ना ॥
 अ॒श्वि॒ना॒ऽद॒ध्व॒र्यू । अ॒द॒ध्व॒र्यू सा॒द॒य॒ता॒म् । अ॒द॒ध्व॒र्यू इ॒त्य॒द॒ध्व॒र्यू ।
 सा॒द॒य॒ता॒मि॒ह । इ॒ह त्वा ॥ त्वे॒ति त्वा ॥ स॒जूर् ऋ॒तु॒भिः । स॒जूर्ति॑
 स - जूः । ऋ॒तु॒भिः स॒जूः । ऋ॒तु॒भि॒रि॒त्यृ॒तु-भिः । स॒जूर् वि॒धा॒भिः ।
 स॒जूर्ति॑ स - जूः । वि॒धा॒भिः स॒जूः । वि॒धा॒भि॒रिति॑ वि - धा॒भिः ।
 स॒जूर् व॒सु॒भिः । स॒जूर्ति॑ स - जूः । व॒सु॒भिः स॒जूः ।

चतुर्थ काण्डे – तृतीयः प्रश्नः – (TS 4.3)

वसु॑भिरि॒ति वसु॑ – भिः॒ । स॒जू रु॒द्रैः । स॒जूरि॒ति स – जूः॑ ।
रु॒द्रैः स॒जूः । स॒जूर॑दि॒त्यैः । स॒जूरि॒ति स – जूः॑ । आ॒दि॒त्यैः स॒जूः ।
स॒जूर् वि॒श्वैः॑ । स॒जूरि॒ति स – जूः॑ । वि॒श्वैर् दे॒वैः॑ । दे॒वैः स॒जूः ।
स॒जूर् दे॒वैः । स॒जूरि॒ति स – जूः॑ । दे॒वैः स॒जूः । स॒जूर् दे॒वैः ।
स॒जूरि॒ति स – जूः॑ । दे॒वैर् वयो॑ना॒धैः । वयो॑ना॒धैर॒ग्नये॑ ।
वयो॑ना॒धैरि॒ति वयः॑ – ना॒धैः । अ॒ग्नये॑ त्वा । त्वा वै॒श्वान॒राय॑ ।
वै॒श्वान॒राया॒श्विना॑ । अ॒श्विना॑ऽध्व॒र्यू । अ॒ध्वर्यू॑ सा॒दय॑ताम् । अ॒ध्वर्यू॑
इत्य॑ध्व॒र्यू । सा॒दय॑तामि॒ह । इ॒ह त्वा॑ । त्वेति॑ त्वा ॥ प्रा॒णम् मे॑ ।
प्रा॒णमि॒ति प्र – अ॒नम् । मे॒ पा॒हि । पा॒ह्यपा॒नम् । अ॒पा॒नम् मे॑ ।
अ॒पा॒नमि॒त्यप – अ॒नम् । मे॒ पा॒हि । पा॒हि व्या॒नम् । व्या॒नम् मे॑ ।
व्या॒नमि॒ति वि – अ॒नम् । मे॒ पा॒हि । पा॒हि चक्षुः॑ । चक्षु॑र् मे ।
म उ॒र्व्या () । उ॒र्व्या वि । वि भा॑हि । भा॒हि श्रो॑त्रम् । श्रो॑त्रम् मे ।
मे श्लो॑क॒य । श्लो॑क॒यापः॑ । अ॒पस्मि॑न्व । पि॒न्वौष॑धीः । ओष॑धीर्
जि॒न्व । जि॒न्व द्वि॒पात् । द्वि॒पात् पा॑हि । द्वि॒पादि॒ति द्वि – पा॑त् ।

पा॒हि च॑तु॒ष्पात् । च॑तु॒ष्पाद॑व । च॑तु॒ष्पादि॑ति च॑तुः – पा॒त् ।

अ॒व दि॒वः । दि॒वो वृ॑ष्टिम् । वृ॑ष्टि॒मा । ए॒रय॑ । ई॒रये॑ती॒रय॑ ॥ 9 (67/87)

(सु॒वी॒रं – भु॒व॒ना॒ना – मु॒र्व्या – स॒प्त॒द॒श च॑) (A4)

T.S.4.3.5.1 - Kramam

त्र्य॒विर् व॑यः । त्र्य॒विरि॑ति त्रि – अ॒विः । व॑यस्त्रि॒ष्टुप् । त्रि॒ष्टुप् छ॑न्दः ।

छ॒न्दो दि॒त्यवा॑ट् । दि॒त्यवा॑ड् व॑यः । दि॒त्यवा॑डिति दि॒त्य – वा॑ट् ।

व॑यो वि॒राट् । वि॒राट् छ॑न्दः । वि॒राडि॑ति वि-रा॑ट् । छ॒न्दः पञ्चा॑विः ।

पञ्चा॑विर् व॑यः । पञ्चा॑विरि॒ति पञ्च॑ – अ॒विः । व॑यो गा॒यत्री ।

गा॒यत्री छ॑न्दः । छ॒न्दस्त्रि॒वथ्सः॑ । त्रि॒वथ्सो॑ व॑यः । त्रि॒वथ्स॑ इति

त्रि – व॒थ्सः । व॑य उ॒ष्णिहा॑ । उ॒ष्णिहा॑ छ॑न्दः । छ॒न्दस्तु॒र्यवा॑ट् ।

तु॒र्यवा॑ड् व॑यः । तु॒र्यवा॑डिति तु॒र्य-वा॑ट् । व॑योऽनु॒ष्टुप् । अ॒नुष्टु॑प् छ॑न्दः ।

अ॒नुष्टु॑बि॒त्यनु॑ – स्तु॒प् । छ॑न्दः प॒ष्ठवा॑त् । प॒ष्ठवा॑द् व॑यः । प॒ष्ठवा॑दिति

प॒ष्ठ – वा॑त् । व॑यो बृ॒हती॑ । बृ॒हती॑ छ॑न्दः । छ॒न्द उ॒क्षा । उ॒क्षा व॑यः ।

व॑यः स॒तोबृ॑हती । स॒तोबृ॑हती छ॑न्दः । स॒तोबृ॑हतीति स॒तः – बृ॒हती॑ ।

छ॒न्द ऋ॒षभः॑ । ऋ॒षभो॑ व॑यः । व॑यः क॒कुत् । क॒कुच्छ॑न्दः ।

छ॒न्दो धे॒नुः । धे॒नुर् व॑यः । व॑यो ज॒गती॑ । ज॒गती॑ छ॑न्दः ।

चतुर्थ काण्डे – तृतीयः प्रश्नः – (TS 4.3)

छन्दो॑ ऽन॒ड्वान् । अन॒ड्वान् वयः॑ । वयः॑ प॒ङ्क्तिः । प॒ङ्क्ति र॒छन्दः॑ ।
छन्दो॑ ब॒स्तः । ब॒स्तो वयः॑ । वयो॑ वि॒वलम् । वि॒वलम् छन्दः॑ ।
वि॒वलमि॑ति वि – व॒लम् । छन्दो॑ वृ॒ष्णिः । वृ॒ष्णिर् वयः॑ ।
वयो॑ वि॒शालम् । वि॒शालम् छन्दः॑ । वि॒शालमि॑ति वि – शालम् ।
छन्दः॑ पु॒रुषः । पु॒रुषो वयः॑ () । वयस्त॒न्द्रम् । त॒न्द्रम् छन्दः॑ ।
छन्दो॑ व्याघ्रः॑ । व्याघ्रो॑ वयः॑ । वयो॑ ऽनाधृ॒ष्टम् । अनाधृ॒ष्टम् छन्दः॑ ।
अनाधृ॒ष्टमि॑त्यना – धृ॒ष्टम् । छन्दः॑ सि॒॒हः । सि॒॒हो वयः॑ ।
वय॑ र॒छदिः । छ॒दि र॒छन्दः॑ । छन्दो॑ वि॒ष्टम्भः । वि॒ष्टम्भो वयः॑ ।
वि॒ष्टम्भ इति॑ वि – स्त॒म्भः । वयो॑ ऽधि॒पतिः । अधि॒पति र॒छन्दः॑ ।
अधि॒पतिरि॑त्यधि – प॒तिः । छन्दः॑ क्ष॒त्रम् । क्ष॒त्रम् वयः॑ ।
वयो॑ मय॒न्दम् । मय॒न्दम् छन्दः॑ । छन्दो॑ वि॒श्वकर्मा॑ । वि॒श्वकर्मा॑ वयः॑ ।
वि॒श्वकर्मे॑ति वि॒श्व – क॒र्मा । वयः॑ परमे॒ष्ठी । परमे॒ष्ठी छन्दः॑ ।
छन्दो॑ मूर्धा॑ । मूर्धा॑ वयः॑ । वयः॑ प्र॒जापतिः॑ । प्र॒जापति॑ र॒छन्दः॑ ।
प्र॒जापति॑रिति॑ प्र॒जा – प॒तिः । छन्द॑ इति॑ छन्दः॑ ॥ 10 (76/92)

(पुरु॑षो वयः॑ – षड् वि॒॒शतिश्च॑) (A5)

T.S.4.3.6.1 - Kramam

इन्द्रा॑ग्नी॒ अव्य॑थ॒माना॑म् । इन्द्रा॑ग्नी॒ इतीन्द्र॑ - अ॒ग्नी॒ ।
 अव्य॑थ॒माना॑मिष्ट॒काम् । इष्ट॑काम् दृ॒ह॒तम् । दृ॒ह॒तं यु॑वम् । यु॒वमि॑ति॒
 यु॒वम् ॥ पृ॒ष्ठेन॑ द्या॒वापृ॑थि॒वी । द्या॒वापृ॑थि॒वी अ॒न्तरि॑क्षम् । द्या॒वापृ॑थि॒वी
 इति॑ द्या॒वा - पृ॒थि॒वी । अ॒न्तरि॑क्षम् च । च॒ वि । वि॒ बा॑ध॒ताम् ।
 बा॒ध॒तामि॑ति॒ बा॑ध॒ताम् ॥ वि॒श्वक॑र्मा॒ त्वा । वि॒श्वक॑र्मेति॒ विश्व॑ - क॒र्मा ।
 त्वा सा॒दय॑तु । सा॒दय॑त्वन्त॒रि॒क्षस्य॑ । अ॒न्तरि॑क्षस्य॒ पृ॒ष्ठे । पृ॒ष्ठे
 व्य॑च॒स्वती॑म् । व्य॑च॒स्वती॑म् प्र॒थस्व॑तीम् । प्र॒थस्व॑तीम् भा॒स्वती॑म् ।
 भा॒स्वती॑ः सूरि॒मती॑म् । सूरि॒मती॑मा । सूरि॒मती॑मि॒ति सूरि॑ - म॒तीम् ।
 आ॒ या । या द्या॑म् । द्या॑म् भा॒सि । भा॒स्या । आ॒ पृ॑थि॒वीम् ।
 पृ॑थि॒वीमा । ओरु॑ । उ॒र्वन्त॑रि॒क्षम् । अ॒न्तरि॑क्षमन्त॒रि॒क्षम् । अ॒न्तरि॑क्षं
 य॑च्छ । य॑च्छान्त॒रि॒क्षम् । अ॒न्तरि॑क्षम् दृ॒ह । दृ॒हान्त॑रि॒क्षम् ।
 अ॒न्तरि॑क्षम् मा । मा हि॒सीः । हि॒सीर् वि॑श्वस्मै । वि॑श्वस्मै प्रा॒णाय॑ ।
 प्रा॒णाय॑पा॒नाय॑ । प्रा॒णाय॑ेति॒ प्र - अ॒नाय॑ । अ॒पा॒नाय॑ व्या॒नाय॑ ।
 अ॒पा॒नाय॑ेत्यप - अ॒नाय॑ । व्या॒नायो॑दा॒नाय॑ । व्या॒नाय॑ेति॒ वि - अ॒नाय॑ ।
 उ॒दा॒नाय॑ प्रति॒ष्ठायै॑ । उ॒दा॒नाय॑ेत्युत् - अ॒नाय॑ । प्रति॒ष्ठायै॑ च॒रि॒त्राय॑ ।

चतुर्थ काण्डे – तृतीयः प्रश्नः – (TS 4.3)

प्रति॑ष्ठाया॑ इति॑ प्रति॑ – स्थायै॑ । चरि॑त्राय॑ वा॒युः । वा॒युस्त्वा॑ । त्वा॒भि ।
अ॒भि पा॒तु । पा॒तु म॒ह्या । म॒ह्या स्व॒स्त्या । स्व॒स्त्या छ॒र्दिषा॑ ।

छ॒र्दिषा॑ श॒न्तमे॑न । 11 (50/59)

T.S.4.3.6.2 - Kramam

श॒न्तमे॑न॒ तया॑ । श॒न्तमे॑नेति॑ शम् – त॒मे॒न । तया॑ दे॒वत॑या ।
दे॒वत॑याऽङ्गि॒रस्व॑त् । अ॒ङ्गि॒रस्व॑द् ध्रु॒वा । ध्रु॒वा सी॑द ।
सी॒देति॑ सी॒द ॥ रा॒ज्य॑सि । अ॒सि प्रा॑ची । प्रा॒ची दिक् । दिग् वि॒राट् ।
वि॒राड॑सि । वि॒राडि॑ति वि – राट् । अ॒सि द॒क्षि॒णा । द॒क्षि॒णा दिक् ।
दि॒ख् स॒म्राट् । स॒म्राड॑सि । स॒म्राडि॑ति स॒म् – राट् । अ॒सि प्र॒तीची॑ ।
प्र॒तीची॑ दिक् । दि॒ख् स्व॒राट् । स्व॒राड॑सि । स्व॒राडि॑ति स्व – राट् ।
अ॒स्युदी॑ची । उ॒दीची॑ दिक् । दि॒गधि॑प॒त्नी । अधि॑प॒त्यसि॑ ।
अधि॑प॒त्नीत्य॑धि – प॒त्नी । अ॒सि बृ॒हती॑ । बृ॒हती॑ दिक् । दि॒गायुः॑ ।
आ॒युर् मे॑ । मे॒ पा॒हि । पा॒हि प्रा॑णम् । प्रा॑णम् मे॑ ।
प्रा॑णमि॒ति प्र – अ॒नम् । मे॒ पा॒हि । पा॒ह्यपा॑नम् । अ॒पा॒नम् मे॑ ।
अ॒पा॒नमि॒त्यप – अ॒नम् । मे॒ पा॒हि । पा॒हि व्या॑नम् । व्या॑नम् मे॑ ।

व्या॒नमि॑ति॒ वि – अ॒नम् । मे॒ पा॒हि । पा॒हि चक्षुः॑ । चक्षु॑र् मे ।
मे॒ पा॒हि । पा॒हि श्रो॒त्रम् । श्रो॒त्रम् मे॑ । मे॒ पा॒हि । पा॒हि मनः॑ ।
मनो॑ मे॒ । मे॒ जि॒न्व । जि॒न्व वाच॑म् । वाच॑म् मे॒ । मे॒ पि॒न्व () ।
पि॒न्वात्मा॑नम् । आ॒त्मा॑नम् मे॒ । मे॒ पा॒हि । पा॒हि ज्योतिः॑ ।
ज्योति॑र् मे॒ । मे॒ य॒च्छ । य॒च्छेति॑ य॒च्छ ॥ 12 (56/64)

(छर्दिषा॑ – पि॒न्व – षट्च॑) (A6)

T.S.4.3.7.1 - Kramam

मा छ॒न्दः । छ॒न्दः प्र॒मा । प्र॒मा छ॒न्दः । प्र॒मेति॑ प्र – मा ।
छ॒न्दः प्र॒तिमा॑ । प्र॒तिमा॑ छ॒न्दः । प्र॒तिमेति॑ प्र॒ति-मा॑ । छ॒न्दोऽस्त्री॑विः ।
अ॒स्त्री॒वि इ॒छन्दः॑ । छ॒न्दः प॒ङ्क्तिः॑ । प॒ङ्क्ति इ॒छन्दः॑ । छ॒न्द उ॒ष्णिहा॑ ।
उ॒ष्णिहा॑ छ॒न्दः । छ॒न्दो बृ॒हती॑ । बृ॒हती॑ छ॒न्दः । छ॒न्दोऽनु॒ष्टुप् । अ॒नु॒ष्टुप्
छ॒न्दः । अ॒नु॒ष्टुबि॒त्यनु॑ – स्तुप् । छ॒न्दो वि॒राट् । वि॒राट् छ॒न्दः ।
वि॒राडिति॑ वि – राट् । छ॒न्दो गाय॑त्री । गाय॑त्री छ॒न्दः । छ॒न्दस्त्रि॒ष्टुप् ।
त्रि॒ष्टुप् छ॒न्दः । छ॒न्दो जग॑ती । जग॑ती छ॒न्दः । छ॒न्दः पृथि॑वी ।
पृथि॑वी छ॒न्दः । छ॒न्दोऽन्तरि॑क्षम् । अ॒न्तरि॑क्षम् छ॒न्दः । छ॒न्दो द्यौः॑ ।
द्यौ॑ श्र॒न्दः । छ॒न्दः स॒माः । स॒मा इ॒छन्दः॑ । छ॒न्दो नक्ष॑त्राणि ।

चतुर्थ काण्डे – तृतीयः प्रश्नः – (TS 4.3)

नक्ष॑त्राणि छन्दः॑ । छन्दो॑ मनः॑ । मन॑ इछन्दः॑ । छन्दो॑ वाक् । वाक्
छन्दः॑ । छन्दः॑ कृषिः॑ । कृषि॑ इछन्दः॑ । छन्दो॑ हिरण्यम् । हिरण्यम्
छन्दः॑ । छन्दो॑ गौः । गौ॑ इछन्दः॑ । छन्दो॑ऽजा । अजा॑ छन्दः॑ ।
छन्दो॑ ऽश्वः । अश्व॑ इछन्दः॑ । छन्द॑ इति॑ छन्दः॑ ॥ अग्नि॑र् दे॒वता॑ ॥

दे॒वता॑ वातः॑ । 13 (50/54)

T.S.4.3.7.2 - Kramam

वातो॑ दे॒वता॑ ॥ दे॒वता॑ सूर्यः॑ । सूर्यो॑ दे॒वता॑ ॥ दे॒वता॑ चन्द्र॑माः । चन्द्र॑मा
दे॒वता॑ ॥ दे॒वता॑ वसवः॑ । वसवो॑ दे॒वता॑ ॥ दे॒वता॑ रुद्राः॑ । रुद्रा॑ दे॒वता॑ ॥
दे॒वता॑ऽऽदित्याः॑ । आ॒दि॒त्या दे॒वता॑ ॥ दे॒वता॑ विश्वे॑ ॥ विश्वे॑ दे॒वाः । दे॒वा
दे॒वता॑ ॥ दे॒वता॑ मरुतः॑ । मरुतो॑ दे॒वता॑ ॥ दे॒वता॑ बृहस्पतिः॑ । बृहस्पति॑र्
दे॒वता॑ ॥ दे॒वतेन्द्रः॑ । इन्द्रो॑ दे॒वता॑ ॥ दे॒वता॑ वरुणः॑ । वरुणो॑ दे॒वता॑ ॥
दे॒वता॑ मूर्धा॑ । मूर्धा॑ऽसि । अ॒सि राट् । राट् ध्रु॒वा । ध्रु॒वा ऽसि ।
अ॒सि धरु॑णा ॥ धरु॑णा यन्त्री । यन्त्र्य॑सि । अ॒सि यमि॑त्री । यमि॑त्रीषे ।
इ॒षे त्वा॑ । त्वो॒र्जे । ऊ॒र्जे त्वा॑ । त्वा॑ कृष्यै॑ । कृष्यै॑ त्वा॑ । त्वा॑ क्षेमा॑य ।
क्षेमा॑य त्वा॑ । त्वा॑ यन्त्री॑ । यन्त्री॑ राट् । राट् ध्रु॒वा । ध्रु॒वाऽसि । अ॒सि
धर॑णी । धर॑णी धर्त्री॑ । धर्त्र्य॑सि । अ॒सि धरि॑त्री । धरि॑त्र्यायुषे () ।

आ॒यु॒षे॒ त्वा । त्वा॒ वर्च॑से । वर्च॑से॒ त्वा । त्वौज॑से । ओज॑से॒ त्वा ।

त्वा॒ ब॒लाय॑ । ब॒लाय॑ त्वा । त्वेति॑ त्वा ॥ 14 (56/56)

(दे॒वता॑ – ऽऽयु॑षे॒ त्वा – षट्च॑) (A7)

T.S.4.3.8.1 - Kramam

आ॒शु॒स्त्रि॒वृत् । त्रि॒वृद् भान्तः॑ । त्रि॒वृदि॑ति त्रि – वृत् ।

भान्तः॑ पञ्च॒दशः॑ । पञ्च॒दशो॑ व्योम । पञ्च॒दश॑ इति पञ्च–दशः॑ ।

व्योम॑ सप्त॒दशः॑ । व्योमेति॑ वि – ओम॑ । सप्त॒दशः॑ प्रतू॒र्तिः॑ ।

सप्त॒दश॑ इति सप्त–दशः॑ । प्रतू॒र्तिर॑ष्टादशः॑ । प्रतू॒र्तिरिति॑ प्र – तू॒र्तिः॑ ।

अष्टा॒दश॑स्तपः॑ । अष्टा॒दश॑ इत्यष्टा – दशः॑ । तपो॑ नव॒दशः॑ ।

नव॒दशो॑ऽभिवर्तः॑ । नव॒दश॑ इति नव–दशः॑ । अ॒भि॒वर्तः॑ सवि॒॒शः॑ ।

अ॒भि॒वर्त॑ इत्यभि – वर्तः॑ । सवि॒॒शो॑ धरुणः॑ । सवि॒॒श॑ इति

स – वि॒॒शः॑ । धरुण॑ एकवि॒॒शः॑ । एकवि॒॒शो॑ वर्चः॑ । एकवि॒॒श॑

इत्येक – वि॒॒शः॑ । वर्चो॑ द्वावि॒॒शः॑ । द्वावि॒॒शः॑ सम्भरणः॑ ।

सम्भरण॑स्त्रयोवि॒॒शः॑ । सम्भरण॑ इति सम् – भरणः॑ । त्रयोवि॒॒शो॑

योनिः॑ । त्रयोवि॒॒श॑ इति त्रयः – वि॒॒शः॑ । योनिश्चतुर्वि॒॒शः॑ ।

चतुर्वि॒॒शो॑ गर्भाः॑ । चतुर्वि॒॒श॑ इति चतुः – वि॒॒शः॑ ।

चतुर्थ काण्डे – तृतीयः प्रश्नः – (TS 4.3)

ग॒र्भाः॑ प॒ञ्चवि॒ंशः॑ । प॒ञ्चवि॒ंश ओजः॑ । प॒ञ्चवि॒ंश इति॑
प॒ञ्च – वि॒ंशः॑ । ओज॑स्त्रि॒णवः॑ । त्रि॒णवः॑ क्र॒तुः । त्रि॒णव इति॑
त्रि – न॒वः । क्र॒तुरेक॑त्रि॒ंशः॑ । ए॒कत्रि॒ंशः॑ प्र॒तिष्ठा । ए॒कत्रि॒ंश
इत्ये॑क – त्रि॒ंशः॑ । प्र॒तिष्ठा त्रय॑स्त्रि॒ंशः॑ । प्र॒तिष्ठेति॑ प्र॒ति – स्था ।
त्रय॑स्त्रि॒ंशो ब्र॒ध्नस्य॑ । त्रय॑स्त्रि॒ंश इति॑ त्रयः – त्रि॒ंशः॑ ।
ब्र॒ध्नस्य॑ वि॒ष्टप॑म् । वि॒ष्टप॑म् च॒तुस्त्रि॒ंशः॑ । च॒तुस्त्रि॒ंशो नाकः॑ ।
च॒तुस्त्रि॒ंश इति॑ च॒तुः – त्रि॒ंशः॑ । नाकः॑ षट्त्रि॒ंशः॑ । षट्त्रि॒ंशो
वि॒वर्तः॑ । षट्त्रि॒ंश इति॑ षट् – त्रि॒ंशः॑ । वि॒वर्तोऽष्टा॑च॒त्वारि॒ंशः॑ ।
वि॒वर्त इति॑ वि – वर्तः॑ । अ॒ष्टाच॒त्वारि॒ंशोः॑ ध॒र्त्रः॑ ।
अ॒ष्टाच॒त्वारि॒ंश इत्य॑ष्टा – च॒त्वारि॒ंशः॑ । ध॒र्त्रश्च॑तु॒ष्टोमः॑ ।
च॒तुष्टो॑म इति॑ च॒तुः – स्तो॒मः॑ ॥ 15 (37/59)

(आ॒शुः स॒प्तत्रि॒ंशत्) (A8)

T.S.4.3.9.1 - Kramam

अ॒ग्नेर् भा॒गः । भा॒गोऽसि॑ । अ॒सि दी॒क्षायाः॑ । दी॒क्षाया॑ आ॒धिप॑त्यम् ।
आ॒धिप॑त्यम् ब्र॒ह्म । आ॒धिप॑त्यमि॒त्याधि॑ – प॒त्यम् । ब्र॒ह्म स्पृ॑तम् ।

स्पृ॒तम् त्रि॒वृत् । त्रि॒वृ॒थ् स्तो॒मः । त्रि॒वृ॒दि॒ति त्रि - वृ॒त् ।
 स्तो॒म इन्द्र॑स्य । इन्द्र॑स्य भा॒गः । भा॒गोऽसि॑ । अ॒सि वि॒ष्णोः॑ ॥
 वि॒ष्णो॒राधि॑पत्यम् । आधि॑पत्यम् क्ष॒त्रम् । आधि॑पत्यमित्याधि॑-प॒त्यम् ।
 क्ष॒त्रञ् स्पृ॒तम् । स्पृ॒तम् पञ्च॑द॒शः । पञ्च॑द॒शः स्तो॒मः । पञ्च॑द॒श
 इति॑ पञ्च - द॒शः । स्तो॒मो नृ॒चक्ष॑साम् । नृ॒चक्ष॑साम् भा॒गः ।
 नृ॒चक्ष॑सामिति॑ नृ - चक्ष॑साम् । भा॒गोऽसि॑ । अ॒सि धा॒तुः ।
 धा॒तु॒राधि॑पत्यम् । आधि॑पत्यम् ज॒नि॒त्रम् । आधि॑पत्यमित्याधि॑-प॒त्यम् ।
 ज॒नि॒त्रञ् स्पृ॒तम् । स्पृ॒तञ् स॒प्तद॑शः । स॒प्तद॑शः स्तो॒मः । स॒प्तद॑श
 इति॑ स॒प्त - द॑शः । स्तो॒मो मि॒त्रस्य॑ । मि॒त्रस्य॑ भा॒गः । भा॒गोऽसि॑ ।
 अ॒सि वरु॑णस्य । वरु॑णस्याधि॑पत्यम् । आधि॑पत्यम् दि॒वः ।
 आधि॑पत्यमित्याधि॑ - प॒त्यम् । दि॒वो वृ॒ष्टिः । वृ॒ष्टिर् वा॒ताः ॥
 वा॒ताः स्पृ॒ताः । स्पृ॒ता ए॒कवि॑ञ्शः । ए॒कवि॑ञ्शः स्तो॒मः ।
 ए॒कवि॑ञ्श इत्ये॒क - वि॑ञ्शः । स्तो॒मोऽदि॒त्यै । अ॒दि॒त्यै भा॒गः ।
 भा॒गोऽसि॑ । अ॒सि पू॒ष्णः । पू॒ष्ण आधि॑पत्यम् । आधि॑पत्यमो॒जः ।
 आधि॑पत्यमित्याधि॑ - प॒त्यम् । ओ॒जः स्पृ॒तम् । स्पृ॒तम् त्रि॒णवः॑ ।

चतुर्थ काण्डे – तृतीयः प्रश्नः – (TS 4.3)

त्रि॒णवः॑ स्तो॒मः॑ । त्रि॒णव॑ इति त्रि॒णवः॑ । स्तो॒मो॑ वसू॒नाम् ।
वसू॒नाम् भा॒गः । भा॒गोऽसि॑ () । अ॒सि रु॒द्राणा॑म् । 16 (50/61)

T.S.4.3.9.2 - Kramam

रु॒द्राणा॑माधि॒पत्यम् । आधि॒पत्यम् चतु॑ष्पात् ।
आधि॒पत्यमि॒त्याधि॑ – प॒त्यम् । चतु॑ष्पाथ् स्पृ॒तम् । चतु॑ष्पा॒दिति॑
चतुः॑ – पा॒त् । स्पृ॒तम् चतु॑र्वि॒ंशः॑ । चतु॑र्वि॒ंशः॑ स्तो॒मः॑ ।
चतु॑र्वि॒ंश इति॑ चतुः॑ – वि॒ंशः॑ । स्तो॒म आदि॒त्याना॑म् ।
आदि॒त्याना॑म् भा॒गः । भा॒गोऽसि॑ । अ॒सि मरु॑ताम् ।
मरु॑तामाधि॒पत्यम् । आधि॒पत्यम् गर्भाः॑ । आधि॒पत्यमि॒त्याधि॑ – प॒त्यम् ।
गर्भाः॑ स्पृ॒ताः । स्पृ॒ताः पञ्च॑वि॒ंशः॑ । पञ्च॑वि॒ंशः॑ स्तो॒मः॑ ।
पञ्च॑वि॒ंशः॑ इति॑ पञ्च – वि॒ंशः॑ । स्तो॒मो दे॒वस्य॑ ।
दे॒वस्य॑ सवि॒तुः । सवि॒तुर् भा॒गः । भा॒गोऽसि॑ । अ॒सि बृ॒हस्प॑तेः ।
बृ॒हस्प॑तेराधि॒पत्यम् । आधि॒पत्यं॑ समी॒चीः॑ ।
आधि॒पत्यमि॒त्याधि॑ – प॒त्यम् । समी॒चीर् दि॒शः॑ । दि॒शः॑ स्पृ॒ताः ।
स्पृ॒ताश्चतु॑ष्टो॒मः । चतु॑ष्टो॒मः स्तो॒मः॑ । चतु॑ष्टो॒म इति॑ चतुः॑ – स्तो॒मः॑ ।
स्तो॒मो या॒वाना॑म् । या॒वाना॑म् भा॒गः । भा॒गोऽसि॑ । अ॒स्यया॑वाना॑म् ।

अ॒या॒वा॒ना॒मा॒धि॒प॒त्यम् । आ॒धि॒प॒त्यम् प्र॒जाः ।
 आ॒धि॒प॒त्य॒मि॒त्या॒धि - प॒त्यम् । प्र॒जाः स्पृ॒ताः । प्र॒ता इति प्र - जाः ।
 स्पृ॒ताश्चतु॑श्चत्वारि॒ंशः । चतु॑श्चत्वारि॒ंशः स्तोम॑ । चतु॑श्चत्वारि॒ंश
 इति॑ चतुः - च॒त्वारि॒ंशः । स्तोम॑ ऋ॒भू॒णाम् । ऋ॒भू॒णाम् भा॒गः ।
 भा॒गोऽसि॑ । अ॒सि विश्वे॑षाम् । विश्वे॑षाम् दे॒वाना॑म् ।
 दे॒वाना॑मा॒धि॒प॒त्यम् । आ॒धि॒प॒त्यम् भू॒तम् । आ॒धि॒प॒त्य॒मि॒त्या॒धि-प॒त्यम् ।
 भू॒तम् निशा॑न्तम् । निशा॑न्तं स्पृ॒तम् । निशा॑न्तमि॒ति नि - शा॑न्तम् ।
 स्पृ॒तम् त्रय॑स्त्रि॒ंशः । त्रय॑स्त्रि॒ंशः स्तोमः॑ । त्रय॑स्त्रि॒ंश
 इति॑ त्रयः - त्रि॒ंशः । स्तोम॑ इति॑ स्तोमः॑ ॥ 17 (46/59)

(वसू॑नां भा॒गोऽसि॑ - षट्च॑त्वारि॒ंशच्च) (A9)

T.S.4.3.10.1 - Kramam

ए॒क॒याऽस्तु॑वत । अ॒स्तु॑वत प्र॒जाः । प्र॒जा अधी॑यन्त । प्र॒जा इति॑
 प्र - जाः । अधी॑यन्त प्र॒जाप॑तिः । प्र॒जाप॑तिरधि॒पतिः॑ । प्र॒जाप॑तिरि॒ति
 प्र॒जा - प॑तिः । अधि॑पतिरासीत् । अधि॑पतिरि॒त्यधि - प॑तिः ।
 आ॒सीत् ति॒सृभिः॑ । ति॒सृभि॑रस्तुवत । ति॒सृभि॑रि॒ति ति॒सृ - भिः॑ ।
 अ॒स्तु॑वत ब्र॒ह्म । ब्र॒ह्मासृ॑ज्यत । अ॒सृ॑ज्यत ब्र॒ह्मणः॑ । ब्र॒ह्मण॑स्पतिः ।

चतुर्थ काण्डे – तृतीयः प्रश्नः – (TS 4.3)

पतिरधिपतिः । अधिपतिरासीत् । अधिपतिरित्यधि – पतिः । आसीत्
पञ्चभिः । पञ्चभिरस्तुवत । पञ्चभिरिति पञ्च – भिः । अस्तुवत
भूतानि । भूतान्यसृज्यन्त । असृज्यन्त भूतानाम् । भूतानाम् पतिः ।
पतिरधिपतिः । अधिपतिरासीत् । अधिपतिरित्यधि – पतिः ।
आसीत् सप्तभिः । सप्तभिरस्तुवत । सप्तभिरिति सप्त – भिः ।
अस्तुवत सप्तरुषयः । सप्तरुषयोऽसृज्यन्त । सप्तरुषय इति
सप्त-ऋषयः । असृज्यन्त धाता । धाताऽधिपतिः । अधिपतिरासीत् ।
अधिपतिरित्यधि – पतिः । आसीन् नवभिः । नवभिरस्तुवत ।
नवभिरिति नव – भिः । अस्तुवत पितरः । पितरोऽसृज्यन्त ।
असृज्यन्तादितिः । अदितिरधिपत्नी । अधिपत्यासीत् ।
अधिपत्नीत्यधि – पत्नी । आसीदेकादशभिः । एकादशभिरस्तुवत ।
एकादशभिरित्येकादश-भिः । अस्तुवत ऋतवः । ऋतवोऽसृज्यन्त ।
असृज्यन्तार्तवः । आर्तवोऽधिपतिः । अधिपतिरासीत् ।
अधिपतिरित्यधि – पतिः । आसीत् त्रयोदशभिः ।
त्रयोदशभिरस्तुवत । त्रयोदशभिरिति त्रयोदश – भिः ।

अ॒स्तु॒व॒त॒ मा॒साः॑ । मा॒साऽसृ॒ज्यन्त॑ । अ॒सृ॒ज्यन्त॑ स॒म्व॑त्स॒रः ।
 स॒म्व॑त्स॒रोऽधि॑पतिः । स॒म्व॑त्स॒र इति॑ सं – व॒त्स॒रः ।
 अधि॑पतिरासीत् । अधि॑पतिरित्यधि – प॒तिः ॥ 18 (50/67)

T.S.4.3.10.2 - Kramam

आ॒सीत् प॒ञ्च॒द॒श॒भिः॑ । प॒ञ्च॒द॒श॒भि॒रस्तु॑वत । प॒ञ्च॒द॒श॒भि॒रिति॑
 प॒ञ्च॒द॒श – भिः॑ । अ॒स्तु॒व॒त क्ष॒त्रम् । क्ष॒त्रम॑सृ॒ज्यत॑ । अ॒सृ॒ज्यते॑न्द्रः ।
 इन्द्रो॑ऽधिपतिः । अधि॑पतिरासीत् । अधि॑पतिरित्यधि – प॒तिः ।
 आ॒सीत् स॒प्त॒द॒श॒भिः॑ । स॒प्त॒द॒श॒भि॒रस्तु॑वत । स॒प्त॒द॒श॒भि॒रिति॑
 स॒प्त॒द॒श – भिः॑ । अ॒स्तु॒व॒त प॒शवः॑ । प॒शवो॑ऽसृ॒ज्यन्त॑ ।
 अ॒सृ॒ज्यन्त॑ बृ॒हस्प॑तिः । बृ॒हस्प॑तिरधि॑पतिः । अधि॑पतिरासीत् ।
 अधि॑पतिरित्यधि – प॒तिः । आ॒सीन् न॒व॒द॒श॒भिः॑ । न॒व॒द॒श॒भि॒रस्तु॑वत ।
 न॒व॒द॒श॒भि॒रिति॑ न॒व॒द॒श – भिः॑ । अ॒स्तु॒व॒त शू॒द्रा॒र्यो ।
 शू॒द्रा॒र्याव॑सृ॒ज्येता॑म् । शू॒द्रा॒र्यावि॑ति शू॒द्र-अ॒र्यो । अ॒सृ॒ज्येता॑महो॒रात्रे॑ ।
 अहो॒रात्रे॑ऽधिप॒त्नी । अहो॒रात्रे॑ इत्य॒हः – रा॒त्रे । अधि॑प॒त्नी आ॒स्ताम् ।
 अधि॑प॒त्नी इत्य॒धि – प॒त्नी । आ॒स्तामे॑कवि॒ंश॒त्या ।
 ए॒कवि॑ंश॒त्याऽस्तु॑वत । ए॒कवि॑ंश॒त्येत्ये॑क – वि॒ंश॒त्या ।

चतुर्थ काण्डे – तृतीयः प्रश्नः – (TS 4.3)

अ॒स्तु॒व॒तै॒क॒श॒फाः॑ । ए॒क॒श॒फाः॑ प॒श॒वः॑ । ए॒क॒श॒फा॑ इ॒त्ये॒क – श॒फाः॑ ।
प॒श॒वो॑ऽसृ॒ज्यन्त॑ । अ॒सृ॒ज्यन्त॑ व॒रु॒णः॑ । व॒रु॒णो॑ऽधि॒पतिः॑ ।
अ॒धि॒पति॑रासीत् । अ॒धि॒पति॑रि॒त्यधि॑ – प॒तिः॑ । आ॒सीत्॑ त्रयो॒वि॒ंश॒त्या ।
त्रयो॒वि॒ंश॒त्याऽस्तु॑वत । त्रयो॒वि॒ंश॒त्येति॑ त्रयः – वि॒ंश॒त्या ।
अ॒स्तु॒व॒त क्षु॒द्राः॑ । क्षु॒द्राः॑ प॒श॒वः॑ । प॒श॒वो॑ऽसृ॒ज्यन्त॑ । अ॒सृ॒ज्यन्त॑
पू॒षा ॥ पू॒षाऽधि॑पतिः । अ॒धि॒पति॑रासीत् । अ॒धि॒पति॑रि॒त्यधि॑ – प॒तिः॑ ।
आ॒सीत्॑ पञ्च॒वि॒ंश॒त्या । पञ्च॒वि॒ंश॒त्याऽस्तु॑वत । पञ्च॒वि॒ंश॒त्येति॑
पञ्च॑ – वि॒ंश॒त्या । अ॒स्तु॒व॒ता॒र॒ण्याः॑ । आ॒र॒ण्याः॑ प॒श॒वः॑ ।
प॒श॒वो॑ऽसृ॒ज्यन्त॑ । अ॒सृ॒ज्यन्त॑ वा॒युः॑ । वा॒यु॒रधि॑पतिः ।
अ॒धि॒पति॑रासीत् । अ॒धि॒पति॑रि॒त्यधि॑ – प॒तिः॑ । आ॒सीत्॑ स॒प्त॒वि॒ंश॒त्या ।
स॒प्त॒वि॒ंश॒त्याऽस्तु॑वत । स॒प्त॒वि॒ंश॒त्येति॑ स॒प्त – वि॒ंश॒त्या ।
अ॒स्तु॒व॒त द्या॒वापृ॑थि॒वी । द्या॒वापृ॑थि॒वी वि () ।
द्या॒वापृ॑थि॒वी इति॑ द्या॒वा – पृ॑थि॒वी । व्यै॒ताम् । 19 (50/67)

T.S.4.3.10.3 - Kramam

ऐ॒तां व॑सवः । व॒स॒वो रु॒द्राः॑ । रु॒द्रा आ॑दि॒त्याः॑ । आ॒दि॒त्या अ॒नु ।
अ॒नु वि॑ । व्या॒यन् । आ॒यन् तै॑षाम् । तै॑षामाधि॒पत्यम्॑ ।

आधि॑पत्य॒मासीत् । आधि॑पत्य॒मित्याधि॑ - प॒त्यम् ।
 आ॒सीन् नव॑वि॒शत्या । नव॑वि॒शत्याऽस्तु॑वत । नव॑वि॒शत्येति॑
 नव - वि॒शत्या । अस्तु॑वत वन॒स्पतयः॑ । वन॒स्पतयोऽसृ॑ज्यन्त ।
 अ॒सृज्यन्त॑ सोमः॑ । सोमोऽधि॑पतिः । अधि॑पतिरासीत् ।
 अधि॑पतिरत्यधि॑ - प॒तिः । आ॒सीदे॒कत्रि॑शताः । ए॒कत्रि॑शता
 ऽस्तु॑वत । ए॒कत्रि॑शतेत्ये॒क - त्रि॑शता । अस्तु॑वत प्र॒जाः ।
 प्र॒जा अ॒सृज्यन्त॑ । प्र॒जा इति॑ प्र - जाः । अ॒सृज्यन्त॑ यावा॒नाम् ।
 यावा॒नाम् च । चाया॑वा॒नाम् । अया॑वा॒नाम् च । चाधि॑पत्यम् ।
 आधि॑पत्य॒मासीत् । आधि॑पत्य॒मित्याधि॑ - प॒त्यम् । आ॒सीत्
 त्रय॑स्त्रि॒शता । त्रय॑स्त्रि॒शताऽस्तु॑वत । त्रय॑स्त्रि॒शतेति॑
 त्रयः॑ - त्रि॒शता । अस्तु॑वत भू॒तानि॑ । भू॒तान्य॑शा॒म्यन् । अ॒शा॒म्यन्
 प्र॒जाप॑तिः । प्र॒जाप॑तिः पर॒मेष्ठी । प्र॒जाप॑तिरिति॑ प्र॒जा - प॒तिः ।
 पर॒मेष्ठ्य॑धि॒पतिः॑ । अधि॑पतिरासीत् । अधि॑पतिरित्यधि॑ - प॒तिः ।
 आ॒सीदि॒त्यासीत्॑ ॥ 20 (35/44)

(स॒वँथ्स॒रोऽधि॑पति - वि - पञ्च॑त्रि॒शच्च) (A10)

चतुर्थ काण्डे – तृतीयः प्रश्नः – (TS 4.3)

T.S.4.3.11.1 - Kramam

इ॒यमे॒व । ए॒व सा । सा या । या प्र॒थ॒मा । प्र॒थ॒मा व्यौ॒च्छत् ।
व्यौ॒च्छद॒न्तः । व्यौ॒च्छदि॒ति वि – औ॒च्छत् । अ॒न्त॒र॒स्याम् । अ॒स्याम्
च॒रति । च॒रति॒ प्रवि॑ष्टा । प्रवि॑ष्टेति॒ प्र – वि॒ष्टा ॥ व॒धूर् ज॒जान॑ ।
ज॒जान॑ न॒व॒गत् । न॒व॒गज् ज॒नि॒त्री । न॒व॒गदि॒ति न॒व – ग॒त् ।
ज॒नि॒त्री त्र॒यः । त्र॒य ए॒नाम् । ए॒नाम् म॒हि॒मानः॑ । म॒हि॒मानः॑ स॒चन्ते॑ ।
स॒चन्त॑ इति॒ स॒चन्ते॑ ॥ छ॒न्दस्व॒ती उ॒षसा॑ । छ॒न्दस्व॒ती इति॑ छ॒न्दस्व॒ती ।
उ॒षसा॑ पे॒पि॒शाने॑ । पे॒पि॒शाने॑ स॒मा॒नम् । पे॒पि॒शाने॑ इति॒ पे॒पि॒शाने॑ ।
स॒मा॒नं यो॒निम् । यो॒नि॒मनु॑ । अनु॑ स॒ञ्च॒रन्ती॑ । स॒ञ्च॒रन्ती॑ इति॒
सम् – च॒रन्ती॑ ॥ सूर्य॑प॒त्नी वि । सूर्य॑प॒त्नी इति॒ सूर्य – प॒त्नी ।
वि च॒रतः॑ । च॒रतः॑ प्र॒जा॒नती॑ । प्र॒जा॒नती॑ के॒तुम् । प्र॒जा॒नती॑ इति॒
प्र – जा॒नती॑ । के॒तुम् कृ॒ण्वाने॑ । कृ॒ण्वाने॑ अ॒जरे॑ । कृ॒ण्वाने॑ इति॒
कृ॒ण्वाने॑ । अ॒जरे॑ भू॒रि॒रेत॑सा । अ॒जरे॑ इत्य॒जरे॑ । भू॒रि॒रेत॑सेति॒
भू॒रि – रे॒तसा॑ ॥ ऋ॒तस्य॑ प॒न्था॒म् । प॒न्था॒ मनु॑ । अनु॑ ति॒स्रः ।
ति॒स्र आ । आ॒ङ्गुः । अ॒गु॒स्त्रयः॑ । त्रयो॑ घ॒र्मा॒सः । घ॒र्मा॒सो अनु॑ ।

अनु॑ ज्योति॑षा । ज्योति॑षा । आ॒ङ्गुः । अ॒गुरि॑त्य॒गुः ॥ प्र॒जामे॑का ॥
 प्र॒जामि॑ति प्र – जा॒म् । ए॒का र॑क्षति । र॒क्षत्यूर्ज॑म् । ऊ॒र्जमे॑का ॥
 ॥
 ए॒का व्र॑तम् ॥ 21 (50/59)

T.S.4.3.11.2 - Kramam

व्र॑तमे॒का । ए॒का र॑क्षति । र॒क्षति॑ दे॒वयू॑नाम् । दे॒वयू॑नामि॒ति
 दे॒व – यू॑नाम् ॥ च॒तुष्टो॑मो अ॒भवत् । च॒तुष्टो॑म इति चतुः – स्तो॒मः ।
 अ॒भवद् या॑ । या॒ तुरी॑या । तुरी॑या य॒ज्ञस्य॑ । य॒ज्ञस्य॑ प॒क्षौ ।
 प॒क्षावृ॑षयः । ऋ॒षयो॑ भव॒न्ती । भव॒न्तीति॑ भव॒न्ती ॥ गा॒यत्री॑म् त्रि॒ष्टुभ॑म् ।
 त्रि॒ष्टुभ॑म् जग॒तीम् । जग॒तीमनु॑ष्टुभम् । अ॒नुष्टु॑भम् बृ॒हत् ।
 अ॒नुष्टु॑भमि॒त्यनु॑ – स्तु॒भम् । बृ॒हदर्क॑म् । अ॒र्कं यु॑ञ्जानाः । यु॑ञ्जानाः
 सु॒वः । सु॒वरा॑ । आ॒भर॑न् । अ॒भर॑न्नि॒दम् । इ॒दमि॑ती॒दम् ॥ प॒ञ्चभि॑र्
 धा॒ता । प॒ञ्चभि॑रिति प॒ञ्च – भिः॑ । धा॒ता वि॑ । वि॒ दधौ॑ । द॒धावि॑दम् ।
 इ॒दं य॑त् । यत् ता॒साम् । ता॒सा॒ स्व॑सृः । स्व॑सृ॒रज॑नयत् । अ॒ज॒न॒यत्
 प॒ञ्चप॑ञ्च । प॒ञ्चप॑ञ्चेति प॒ञ्च – प॒ञ्च ॥ ता॒सामु॑ । उ॒ यन्ति॑ ।
 य॒न्ति प्र॑यवे॒ण । प्र॑यवे॒ण प॒ञ्च । प्र॑यवे॒णेति॑ प्र – यवे॒न । प॒ञ्च ना॑ना ॥
 ना॑ना रू॒पाणि॑ । रू॒पाणि॑ क॒तवः॑ । क॒तवो॑ व॒सानाः॑ ।

चतुर्थ काण्डे – तृतीयः प्रश्नः – (TS 4.3)

व॒साना॒ इति॑ व॒सानाः॑ ॥ त्रि॒॒श॒थ् स्व॒सारः॑ । स्व॒सार॑ उप॒ । उप॑ य॒न्ति ।
य॒न्ति नि॒ष्कृ॒तम् । नि॒ष्कृ॒त॒स्मान॑म् । नि॒ष्कृ॒तमि॑ति॒ निः – कृ॒तम् ।
स॒मान॑म् के॒तुम् । के॒तुम् प्र॑तिमु॒ञ्चमा॑नाः । प्र॑तिमु॒ञ्चमा॑ना इति॑
प्र॑ति – मु॒ञ्चमा॑नाः ॥ 22 (50/55)

T.S.4.3.11.3 - Kramam

ऋ॒तूँ स्त॒न्वते॑ । त॒न्वते॑ क॒वयः॑ । क॒वयः॑ प्र॒जान॑तीः । प्र॒जान॑तीर्
म॒ध्ये॑छ॒न्दसः॑ । प्र॒जान॑तीरि॒ति प्र – जान॑तीः । म॒ध्ये॑छ॒न्दसः॑ परि॒ ।
म॒ध्ये॑छ॒न्दस॑ इति॑ म॒ध्ये॑छ॒न्दसः॑ । परि॑ य॒न्ति । य॒न्ति भा॒स्वतीः॑ ।
भा॒स्वती॑रि॒ति भा॒स्वतीः॑ ॥ ज्यो॑तिष्मती॒ प्रतिः॑ । प्र॑ति मु॒ञ्चते॑ । मु॒ञ्चते॑
न॒भः । न॒भो रा॒त्री । रा॒त्री दे॒वी । दे॒वी सूर्य॑स्य । सूर्य॑स्य व्र॒तानि॑ ।
व्र॒तानी॑ति॒ व्र॒तानि॑ ॥ वि प॑श्यन्ति । प॑श्यन्ति प॒शवः॑ । प॒शवो॑
जा॒यमा॑नाः । जा॒यमा॑ना नाना॒रूपाः॑ । नाना॒रूपा॑ मा॒तुः । नाना॒रूपा॑ इति॑
नाना॑ – रू॒पाः । मा॒तुर॑स्याः । अ॒स्या उप॑स्थे । उप॑स्थ इत्युप॑स्थे ॥
एका॑ष्टका तप॒सा । एका॑ष्टकेत्ये॒क – अ॑ष्टका । तप॒सा तप्य॑माना ।
तप्य॑माना ज॒जान॑ । ज॒जान॑ गर्भ॑म् । गर्भ॑म् म॒हिमान॑म् ।
म॒हिमान॑मिन्द्र॑म् । इन्द्र॑मितीन्द्र॑म् ॥ तेन॑ दस्यून् । दस्यून् वि ।

व्यस॑हन्त । अस॑हन्त दे॒वाः । दे॒वा ह॒न्ता । ह॒न्ताऽसुरा॑णाम् ।
 असुरा॑णामभवत् । अ॒भव॑च्छची॒भिः । श॒चीभि॑रिति॒ शचि॑ – भिः ॥
 अना॑नुजामनु॒जाम् । अना॑नुजामित्यना॒नु – जा॒म् । अनु॒जाम् मा॒म् ।
 अनु॒जामित्य॑नु – जा॒म् । मा॒मकर्त॑ । अ॒कर्त॑ स॒त्यम् । स॒त्यं व॑दन्ती ।
 वद॑न्त्यनु॒ । अन्वि॑च्छे । इ॒च्छ ए॒तत् । ए॒तदित्ये॒तत् ॥

भूया॑समस्य । 23 (50/56)

T.S.4.3.11.4 - Kramam

अस्य॑ सु॒मतौ । सु॒मतौ यथा॑ । सु॒मता॑विति॒ सु – म॒तौ । यथा॑ यू॒यम् ।
 यू॒यम॑न्या । अ॒न्या वः । वो॒ अ॒न्याम् । अ॒न्याम॑ति । अ॒ति मा । मा प्र ।
 प्र यु॒क्त । यु॒क्तेति॑ यु॒क्त ॥ अ॒भून् म॑म । म॑म सु॒मतौ । सु॒मतौ
 विश्व॑वे॒दाः । सु॒मता॑विति॒ सु – म॒तौ । विश्व॑वे॒दा आ॑ष्ट । विश्व॑वे॒दा
 इति॑ वि॒श्व – वे॒दाः । आ॑ष्ट प्र॒तिष्ठा॑म् । प्र॒तिष्ठा॑मवि॒दत् । प्र॒तिष्ठा॑मिति॒
 प्र॒ति – स्था॑म् । अ॒विद॑द्धि । हि गा॒धम् । गा॒धम॑ति गा॒धम् ॥
 भूया॑समस्य । अस्य॑ सु॒मतौ । सु॒मतौ यथा॑ । सु॒मता॑विति॒ सु – म॒तौ ।
 यथा॑ यू॒यम् । यू॒यम॑न्या । अ॒न्या वः । वो॒ अ॒न्याम् । अ॒न्याम॑ति ।
 अ॒ति मा । मा प्र । प्र यु॒क्त । यु॒क्तेति॑ यु॒क्त ॥ पञ्च॑ व्यु॒ष्टीः । व्यु॒ष्टीर॑नु ।

चतुर्थ काण्डे – तृतीयः प्रश्नः – (TS 4.3)

व्यु॒ष्टी॒रिति॒ वि – उ॒ष्टीः॑ । अनु॒ पञ्च॑ । पञ्च॒ दो॒हाः॑ । दो॒हा॒ गाम् ।
गाम् पञ्च॑नाम्नीम् । पञ्च॑नाम्नीमृ॒तवः॑ । पञ्च॑नाम्नीमि॒ति
पञ्च॑ – ना॒म्नीम् । ऋ॒तवो॑ऽनु । अनु॒ पञ्च॑ । पञ्च॑ेति॒ पञ्च॑ ॥ पञ्च॒
दि॒शः॑ । दि॒शः॑ पञ्च॑द॒शेन॑ । पञ्च॑द॒शेन॑ क्लृ॒प्ताः॑ । पञ्च॑द॒शेनेति॑
पञ्च॑ – द॒शेन॑ । क्लृ॒प्ताः॑ स॒मान॒मू॒र्ध्नीः॑ । स॒मान॒मू॒र्ध्नीर॒भि ।
स॒मान॒मू॒र्ध्नीरिति॑ स॒मान॒-मू॒र्ध्नीः॑ । अ॒भि लो॒कम् । लो॒कमे॒कम् ।
एक॑मित्ये॒कम् ॥ 24 (50/59)

T.S.4.3.11.5 - Kramam

ऋ॒तस्य॑ गर्भः॑ । गर्भः॑ प्र॒थमा॑ । प्र॒थमा॑ व्यू॒षुषी॑ । व्यू॒षुष्य॒पाम् ।
व्यू॒षुषीति॑ वि – ऊ॒षुषी॑ । अ॒पामे॒का । ए॒का म॒हि॒मानम् । म॒हि॒मानम्
बि॒भर्ति॑ । बि॒भर्तीति॑ बि॒भर्ति॑ ॥ सू॒र्यस्यै॒का । ए॒का च॒रति॑ ।
च॒रति॑ निष्कृ॒तेषु॑ । निष्कृ॒तेषु॑ घ॒र्मस्य॑ । निष्कृ॒तेष्विति॑ निः – कृ॒तेषु॑ ।
घ॒र्मस्यै॒का । ए॒का स॒विता॑ । स॒वितै॒काम् । ए॒काम् नि॑ ।
नि य॑च्छति । य॒च्छतीति॑ य॒च्छति॑ ॥ या प्र॒थमा॑ । प्र॒थमा॑ व्यौ॒च्छत् ।
व्यौ॒च्छत् सा॑ । व्यौ॒च्छदिति॑ वि – औ॒च्छत् । सा धे॒नुः । धे॒नुर॑भवत् ।
अ॒भवद् य॒मे । य॒म इति॑ य॒मे ॥ सा नः॑ । नः॑ प॒यस्वती॑ ।

पयस्वती धुक्ष्व । धुक्ष्वोत्तरामुत्तराम् । उत्तरामुत्तरा॑ समाम् ।
 उत्तरामुत्तरामित्युत्तराम् - उत्तराम् । समामिति॑ समाम् ॥ शुक्रर्षभा
 नभसा । शुक्रर्षभेति॑ शुक्र-ऋषभा । नभसा ज्योतिषा । ज्योतिषा ।
 आऽगात् । अगाद् विश्वरूपा । विश्वरूपा शबलीः । विश्वरूपेति॑
 विश्व - रूपा । शबलीरग्निकेतुः । अग्निकेतुरित्यग्नि - केतुः ॥
 समानमर्थम् । अर्थः॑ स्वपस्यमाना । स्वपस्यमाना बिभ्रती ।
 स्वपस्यमानेति॑ सु - अपस्यमाना । बिभ्रती जराम् । जरामजरे ।
 अजर उषः । उष आ । आऽगाः । अगा इत्यगाः ॥ ऋतूनाम्
 पत्नी () । पत्नी प्रथमा । प्रथमेयम् । इयमा । आऽगात् । अगादहाम् ॥
 अहाम् नेत्री । नेत्री जनित्री । जनित्री प्रजानाम् । प्रजानामिति॑
 प्र-जानाम् ॥ एका सती । सती बहुधा । बहुधोषः । बहुधेति॑
 बहु-धा । उषो वि । व्युच्छसि । उच्छस्यजीर्णा । अजीर्णा त्वम् ।
 त्वम् जरयसि । जरयसि सर्वम् । सर्वमन्यत् । अन्यदित्यन्यत् ॥ 25
 (69/77) (ऊर्जमेका॑ - प्रतिमुञ्चमाना॑ - भूयास॑ - मेकं॑ - पत्न्ये॑
 कान्न वि॑शतिश्च) (A11)

चतुर्थ काण्डे – तृतीयः प्रश्नः – (TS 4.3)

T.S.4.3.12.1 - Kramam

अ॒ग्ने॑ जा॒तान् । जा॒तान् प्र । प्र॒णु॒द । नु॒दा नः॑ । नः॑ स॒प॒त्नान् ।
स॒प॒त्नान् प्र॒ति । प्र॒त्यजा॑तान् । अजा॑तान् जा॒तवे॑दः । जा॒तवे॑दो नु॒दस्व॑ ।
जा॒तवे॑द इति॑ जा॒त – वे॒दः । नु॒दस्वे॑ति नु॒दस्व॑ ॥ अ॒स्मै दी॑दिहि ।
अ॒स्मै इत्य॑स्मै । दी॒दिहि॑ सु॒मनाः॑ । सु॒मना॑ अ॒हे॒डन् । सु॒मना॑ इति॑
सु – म॒नाः । अ॒हे॒डन् तव॑ । तव॑ स्या॒म् । स्या॒ञ् श॒र्मन् ।
श॒र्मन् त्रि॒वरू॑थः । त्रि॒वरू॑थ उ॒द्भित् । त्रि॒वरू॑थ इति॑ त्रि – व॒रूथः॑ ।
उ॒द्भिदि॑त्युत् – भित् ॥ स॒हसा॑ जा॒तान् । जा॒तान् प्र । प्र॒णु॒द ।
नु॒दा नः॑ । नः॑ स॒प॒त्नान् । स॒प॒त्नान् प्र॒ति । प्र॒त्यजा॑तान् । अजा॑तान्
जा॒तवे॑दः । जा॒तवे॑दो नु॒दस्व॑ । जा॒तवे॑द इति॑ जा॒त – वे॒दः ।
नु॒दस्वे॑ति नु॒दस्व॑ ॥ अ॒धि नः॑ । नो॒ ब्रू॒हि । ब्रू॒हि सु॒मन॑स्यमा॒नः ।
सु॒मन॑स्यमा॒नो व॒यम् । सु॒मन॑स्यमा॒न इति॑ सु – म॒नस्य॑मा॒नः ।
व॒यञ् स्या॒म् । स्या॒म् प्र । प्र॒णु॒द । नु॒दा नः॑ । नः॑ स॒प॒त्नान् ।
स॒प॒त्नानि॑ति स॒प॒त्नान् ॥ च॒तुश्च॑त्वारि॒ञ्शः॑ स्तो॒मः । च॒तुश्च॑त्वारि॒ञ्शः॑
इति॑ च॒तुः – च॒त्वारि॒ञ्शः॑ । स्तो॒मो वर्चः॑ । वर्चो॑ द्र॒विण॑म् ।
द्र॒विण॑ञ् षोड॒शः॑ । षोड॒शः॑ स्तो॒मः । स्तो॒म ओजः॑ ।

ओ॒जो॒ द्र॒वि॒णम् । द्र॒वि॒णम् पृ॒थि॒व्याः । पृ॒थि॒व्याः पु॒री॒षम् ।

पु॒री॒षम॑सि । अ॒स्य॑फ॒सः । 26 (50/57)

T.S.4.3.12.2 - Kramam

अ॒फ॒सो॒ नाम॑ । ना॒मेति॑ नाम॑ ॥ ए॒व॒ इ॒च्छ॒न्दः॑ । छ॒न्दो॒ वरि॑वः ।

व॒रि॒व॒ इ॒च्छ॒न्दः॑ । छ॒न्दः॑ श॒म्भूः॑ । श॒म्भू॒ इ॒च्छ॒न्दः॑ । श॒म्भू॒रिति॑

श॒म् - भूः॑ । छ॒न्दः॑ प॒रि॒भूः॑ । प॒रि॒भू॒ इ॒च्छ॒न्दः॑ । प॒रि॒भू॒रिति॑ प॒रि-भूः॑ ।

छ॒न्द॒ आ॒च्छ॒त् । आ॒च्छ॒च्छ॒न्दः॑ । छ॒न्दो॒ मनः॑ । म॒न॒ इ॒च्छ॒न्दः॑ ।

छ॒न्दो॒ व्य॒चः॑ । व्य॒च॒ इ॒च्छ॒न्दः॑ । छ॒न्दः॑ सि॒न्धुः॑ । सि॒न्धु॒ इ॒च्छ॒न्दः॑ ।

छ॒न्दः॑ स॒मु॒द्रम् । स॒मु॒द्रम् छ॒न्दः॑ । छ॒न्दः॑ स॒लि॒लम् । स॒लि॒लम्

छ॒न्दः॑ । छ॒न्दः॑ स॒म्य॑त् । स॒म्य॑च्छ॒न्दः॑ । स॒म्य॑दिति॑ स॒म् - य॑त् ।

छ॒न्दो॒ वि॒य॑त् । वि॒य॑च्छ॒न्दः॑ । वि॒य॑दिति॑ वि - य॑त् । छ॒न्दो॒ बृ॒ह॑त् ।

बृ॒ह॑च्छ॒न्दः॑ । छ॒न्दो॒ रथ॑न्त॒रम् । रथ॑न्त॒रम् छ॒न्दः॑ । रथ॑न्त॒रमिति॑

रथ॑म् - त॒रम् । छ॒न्दो॒ नि॒का॒यः॑ । नि॒का॒य॒ इ॒च्छ॒न्दः॑ । नि॒का॒य॒ इति॑

नि - का॒यः॑ । छ॒न्दो॒ वि॒व॒धः॑ । वि॒व॒ध॒ इ॒च्छ॒न्दः॑ । वि॒व॒ध॒ इति॑

वि - व॒धः॑ । छ॒न्दो॒ गि॒रः॑ । गि॒र॒ इ॒च्छ॒न्दः॑ । छ॒न्दो॒ भ्र॒जः॑ ।

चतुर्थ काण्डे – तृतीयः प्रश्नः – (TS 4.3)

भ्रज॑ ऀछन्दः॑ । छन्दः॑ स॒ष्टुप् । स॒ष्टुप् छन्दः॑ । स॒ष्टुबि॑ति स – स्तुप् ।
छन्दो॑ऽनु॒ष्टुप् । अ॒नु॒ष्टुप् छन्दः॑ । अ॒नु॒ष्टुबि॑त्यनु-स्तुप् । छन्दः॑ क॒कुत् ।
क॒कुच्छ॑न्दः । छन्द॑स्त्रि॒क॒कुत् । त्रि॒क॒कुच्छ॑न्दः । त्रि॒क॒कुदि॑ति
त्रि – क॒कुत् । छन्दः॑ का॒व्यम् । का॒व्यम् छन्दः॑ । छन्दो॑ऽङ्कु॒पम् ।
अ॒ङ्कु॒पम् छन्दः॑ () । छन्दः॑ प॒दप॑ङ्क्तिः । 27 (50/60)

T.S.4.3.12.3 - Kramam

प॒दप॑ङ्क्ति ऀछन्दः॑ । प॒दप॑ङ्क्तिरि॒ति प॒द – प॑ङ्क्तिः ।
छन्दो॑ऽक्ष॒रप॑ङ्क्तिः । अ॒क्ष॒रप॑ङ्क्ति ऀछन्दः॑ ।
अ॒क्ष॒रप॑ङ्क्तिरि॒त्यक्ष॒र – प॑ङ्क्तिः । छन्दो॑ वि॒ष्टार॑प॒ङ्क्तिः ।
वि॒ष्टार॑प॒ङ्क्ति ऀछन्दः॑ । वि॒ष्टार॑प॒ङ्क्तिरि॒ति वि॒ष्टार – प॑ङ्क्तिः ।
छन्दः॑ क्षु॒रः । क्षु॒रो भृ॒ज्वान् । भृ॒ज्वान् छन्दः॑ । छन्दः॑ प्र॒च्छत् ।
प्र॒च्छच्छ॑न्दः । छन्दः॑ प॒क्षः । प॒क्ष ऀछन्दः॑ । छन्द॑ ए॒वः । ए॒व ऀछन्दः॑ ।
छन्दो॑ व॒रिवः॑ । व॒रिव॑ ऀछन्दः॑ । छन्दो॑ व॒यः । व॒य ऀछन्दः॑ ।
छन्दो॑ व॒यस्कृ॑त् । व॒यस्कृ॑च्छन्दः॑ । व॒यस्कृ॑दिति व॒यः – कृ॑त् ।
छन्दो॑ वि॒शाल॑म् । वि॒शाल॑म् छन्दः॑ । वि॒शाल॑मिति वि – शाल॑म् ।
छन्दो॑ वि॒ष्यर्द्धाः॑ । वि॒ष्यर्द्धा॑ ऀछन्दः॑ । वि॒ष्यर्द्धा॑ इति वि – स्प॒र्द्धाः॑ ।

छन्द॑ इ॒छदिः॑ । छ॒दि इ॒छन्दः॑ । छ॒न्दो॑ दू॒रो॒हण॑म् । दू॒रो॒हण॑म् छ॒न्दः॑ ।
दू॒रो॒हण॑मि॒ति दुः॑ – रो॒हण॑म् । छ॒न्दस्त॑न्द्रम् । त॒न्द्रम् छ॒न्दः॑ ।
छ॒न्दो॑ऽङ्का॒ङ्कम् । अ॒ङ्का॒ङ्कम् छ॒न्दः॑ ।

छ॒न्द इति॑ छ॒न्दः॑ ॥ 28 (33/40)

(अ॒स्य – इ॒क्रुप॑ञ्छ॒न्द – स्त्रय॑स्त्रि॒ंशच्च॑) (A12)

T.S.4.3.13.1 - Kramam

अ॒ग्निर् वृ॒त्राणि॑ । वृ॒त्राणि॑ ज॒ङ्घन॑त् । ज॒ङ्घन॑द् द्र॒विण॑स्युः ।
द्र॒विण॑स्युर् वि॒पन्य॑या ॥ वि॒पन्य॑येति॑ वि – प॒न्यया॑ ॥ समि॑द्धः शु॒क्रः ।
समि॑द्ध इति॑ सम् – इ॒द्धः । शु॒क्र आ॑हुतः । आ॑हुत॒ इत्या – हु॒तः ॥
त्व॑ सोम॒ । सो॒मा॒सि । अ॒सि स॑त्पतिः । स॑त्पति॒स्त्वम् ।
स॑त्पति॒रिति॑ सत् – प॒तिः । त्व॑ राजा॒ । राजो॑त । उ॒त वृ॒त्रहा॑ ।
वृ॒त्रहे॑ति॒ वृत्र – हा॑ ॥ त्वम् भ॒द्रः । भ॒द्रो अ॑सि । अ॒सि क्र॑तुः ।
क्र॑तु॒रिति॑ क्र॑तुः ॥ भ॒द्रा ते॑ ॥ ते अ॒ग्ने । अ॒ग्ने स्व॑नीक॒ । स्व॑नीक॒
स॒न्दृक् । स्व॑नीके॒ति सु – अ॒नीक॑ । स॒न्दृग् घो॑रस्य॒ । स॒न्दृगि॑ति॒
सम् – दृक् । घो॑रस्य॒ स॒तः । स॒तो वि॑षुणस्य॒ । वि॑षुणस्य॒ चारुः॑ ।
चारु॑रिति॒ चारुः॑ ॥ न यत् । यत् ते॑ ॥ ते शो॑चिः । शो॑चिस्त॒मसा॑ ।

चतुर्थ काण्डे – तृतीयः प्रश्नः – (TS 4.3)

तम॑सा॒ वर॑न्त । वर॑न्त न । न ध्व॑स्मानः । ध्व॑स्मानस्तनु॑वि ।
तनु॑वि रेपः॑ । रेप॑ आ । आ धुः॑ । धुरि॑ति धुः ॥ भ॒द्रम् ते॑ । ते अ॒ग्ने ।
अ॒ग्ने स॒हसि॑न्नु । स॒हसि॑न्ननी॒कम् । अनी॑कमुपा॒के । उपा॒क आ ।
आ रो॑चते । रो॒चते॑ सूर्य॑स्य । सूर्य॑स्येति॒ सूर्य॑स्य ॥ 29 (50/54)

T.S.4.3.13.2 - Kramam

रुश॑द् दृ॒शे । दृ॒शे द॒दृशे॑ । द॒दृशे॑ न॒क्तया॑ । न॒क्तया॑ चि॒त् ।
चि॒दरू॑क्षितम् । अरू॑क्षितम् दृ॒शे । दृ॒श आ । आ रू॒पे । रू॒पेऽन्न॑म् ।
अ॒न्नमि॑त्यन्नम् ॥ सै॒ना । ए॒नाऽनी॑केन । अनी॑केन सुवि॒दत्रः॑ । सुवि॒दत्रो॑
अ॒स्मै । सुवि॒दत्र इति॑ सु – वि॒दत्रः॑ । अ॒स्मै य॑ष्टा । अ॒स्मै इत्य॑स्मै ।
य॑ष्टा दे॒वान् । दे॒वाऽ॒ आय॑जिष्ठः । आय॑जिष्ठः स्व॒स्ति । आय॑जिष्ठ
इत्या – य॑जिष्ठः । स्व॒स्तीति॑ स्व॒स्ति ॥ अ॒द॒ब्धो गो॑पाः । गो॑पा उ॒त ।
गो॑पा इति॑ गो – पाः । उ॒त नः॑ । नः प॒र॒स्याः । प॒र॒स्या अ॒ग्ने ।
प॒र॒स्या इति॑ प॒रः – पाः । अ॒ग्ने द्यु॑मत् । द्यु॑मदु॒त । द्यु॑मदि॒ति
द्यु – मत् । उ॒त रे॒वत् । रे॒वद् दि॑दीहि । दि॒दीहीति॑ दि॒दीहि ॥
स्व॒स्ति नः॑ । नो॒ दि॒वः । दि॒वो अ॒ग्ने । अ॒ग्ने पृ॑थि॒व्याः ।
पृ॑थि॒व्या वि॒श्वायुः॑ । वि॒श्वायु॑र् धे॒हि । वि॒श्वायु॑रिति॒ विश्व॑ – आ॒युः ।

धे॒हि॒ य॒ज॒था॒य॒ । य॒ज॒था॒य॒ दे॒व॒ । दे॒वे॒ति॒ दे॒व॒ ॥ य॒थ् सी॒म॒हि॒ । सी॒म॒हि॒
दि॒वि॒जा॒त॒ । दि॒वि॒जा॒त॒ प्र॒श॒स्त॒म् । दि॒वि॒जा॒ते॒ति॒ दि॒वि॒ – जा॒त॒ ।
प्र॒श॒स्त॒म् तत् । प्र॒श॒स्त॒मि॒ति॒ प्र – श॒स्त॒म् । तद॒स्मा॒सु॒ । अ॒स्मा॒सु॒
द्र॒वि॒ण॒म् । द्र॒वि॒ण॒म् धे॒हि॒ । धे॒हि॒ चि॒त्र॒म् । चि॒त्र॒मि॒ति॒ चि॒त्र॒म् ॥
य॒था॒ हो॒तः॒ । हो॒त॒र् म॒नु॒षः॒ । म॒नु॒षो दे॒व॒ता॒ता ॥ 30 (50/59)

T.S.4.3.13.3 - Kramam

दे॒व॒ता॒ता॒ य॒ज्ञे॒भिः॒ । दे॒व॒ता॒ते॒ति॒ दे॒व – ता॒ता॒ । य॒ज्ञे॒भिः॒ सू॒नो॒ । सू॒नो॒
स॒ह॒सः॒ । सू॒नो॒ इति॒ सू॒नो॒ । स॒ह॒सो॒ य॒जा॒सि॒ । य॒जा॒सी॒ति॒ य॒जा॒सि॒ ॥
ए॒वा नः॒ । नो॒ अ॒द्य॒ । अ॒द्य॒ स॒म॒ना॒ । स॒म॒ना॒ स॒मा॒ना॒न् । स॒मा॒ना॒नु॒श॒न् ।
उ॒श॒न्न॒ग्ने॒ । अ॒ग्न॒ उ॒श॒तः॒ । उ॒श॒तो॒ य॒क्षि॒ । य॒क्षि॒ दे॒वा॒न् । दे॒वा॒नि॒ति॒
दे॒वा॒न् ॥ अ॒ग्नि॒मी॒डे॒ । ई॒डे॒ पु॒रो॒हि॒त॒म् । पु॒रो॒हि॒तं॑ य॒ज्ञ॒स्य॒ ।
पु॒रो॒हि॒त॒मि॒ति॒ पु॒रः – हि॒त॒म् । य॒ज्ञ॒स्य॒ दे॒व॒म् । दे॒व॒मृ॒त्वि॒ज॒म् ॥
ऋ॒त्वि॒ज॒मि॒त्यृ॒त्वि॒ज॒म् ॥ हो॒ता॒र॒ र॒त्न॒धा॒त॒म॒म् । र॒त्न॒धा॒त॒म॒मि॒ति॒
र॒त्न – धा॒त॒म॒म् ॥ वृ॒षा॒ सो॒म॒ । सो॒म॒ द्यु॒मा॒न् । द्यु॒मा॒न् अ॒सि॒ ।
द्यु॒मा॒नि॒ति॒ द्यु – मा॒न् । अ॒सि॒ वृ॒षा॒ । वृ॒षा॒ दे॒व॒ । दे॒व॒ वृ॒ष॒व्र॒तः॒ ।

चतुर्थ काण्डे – तृतीयः प्रश्नः – (TS 4.3)

वृष॑व्र॒त इति॑ वृष॑ – व्र॒तः ॥ वृषा॑ धर्मा॑णि । धर्मा॑णि दधि॑षे । दधि॑ष
इति॑ दधि॑षे ॥ सान्त॑प॒ना इ॒दम् । सान्त॑प॒ना इति॑ साम् – त॒प॒नाः ।
इ॒दꣳ ह॒विः । ह॒विर् मरु॑तः । मरु॑त॒स्तत् । तज् जु॑जुष्ट॒न ।
जु॒जुष्ट॑नेति॑ जुजुष्ट॒न ॥ यु॒ष्माको॑ती । ऊ॒ती रि॑शाद॒सः । रि॒शाद॒स इति॑
रि॒श – अ॒द॒सः ॥ यो नः॑ । नो॒ मर्तः॑ । मर्तो॑ व॒सवः॑ । व॒सवो॑
दुर्॒ह॒णा॒युः । दुर्॒ह॒णा॒युस्तिरः॑ । दुर्॒ह॒णा॒युरिति॑ दुः – ह॒णा॒युः ।
तिरः॑ स॒त्यानि॑ । स॒त्यानि॑ मरु॑तः । मरु॑तो॒ जिघाꣳसा॑त् ॥ 31 (50/56)

T.S.4.3.13.4 - Kramam

जिघाꣳसा॑दिति॑ जिघाꣳसा॑त् ॥ द्रु॒हः पा॑शम् । पा॑शम् प्र॒ति ।
प्र॒ति सः॑ । स मु॑चीष्ट । मु॑चीष्ट॒ तपि॑ष्ठेन । तपि॑ष्ठेन॒ तप॑सा ।
तप॑सा ह॒न्त॒न । ह॒न्त॒ना तम् । तमि॑ति॒ तम् ॥ स॒म्व॑त्स॒रीणा॑ मरु॑तः ।
स॒म्व॑त्स॒रीणा॑ इति॑ स॒म्व॑त्स॒रीणाः॑ । मरु॑तः स्व॒र्काः ।
स्व॒र्का उ॒रुक्ष॑याः । स्व॒र्का इति॑ सु – अ॒र्काः । उ॒रुक्ष॑याः स॒गणाः॑ ।
उ॒रुक्ष॑या इत्यु॒रु – क्ष॑याः । स॒गणा॑ मा॒नुषे॑षु । स॒गणा॑ इति॑
स – ग॒णाः । मा॒नुषे॑ष्विति॑ मा॒नुषे॑षु ॥ तेऽस्म॑त् । अ॒स्मत् पा॑शान् ।
पा॑शान् प्र । प्र मु॑ञ्चन्तु । मु॑ञ्च॒न्त्व॒ह॒सः । अ॒ह॒सः सान्त॑प॒नाः ।

सान्त॒प॒ना॒ म॒दि॒राः । सान्त॒प॒ना॒ इति॑ साम् – त॒प॒नाः । म॒दि॒रा
मा॒द॒यि॒ष्ण॒वः । मा॒द॒यि॒ष्ण॒व इति॑ मा॒द॒यि॒ष्ण॒वः ॥ पि॒प्री॒हि दे॒वान् ।
दे॒वाँ उ॒श॒तः । उ॒श॒तो॒ य॒वि॒ष्ठ । य॒वि॒ष्ठ वि॒द्वान् । वि॒द्वान् ऋ॒तून् ।
ऋ॒तून् ऋ॒तु॒प॒ते । ऋ॒तु॒प॒ते य॒ज । ऋ॒तु॒प॒त इत्यृ॒तु – प॒ते । य॒जे॒ह ।
इ॒हेती॒ह ॥ ये दै॒व्याः । दै॒व्या ऋ॒त्वि॒जः । ऋ॒त्वि॒जस्ते॒भिः । ते॒भि॒र॒ग्ने ।
अ॒ग्ने त्वम् । त्वँ हो॒तृ॒णाम् । हो॒तृ॒णाम॒सि । अ॒स्याय॑जिष्ठः ।
आ॒य॒जि॒ष्ठ इत्या – य॒जि॒ष्ठः ॥ अ॒ग्ने यत् । यद॒द्य । अ॒द्य वि॒शः ।
वि॒शो अ॒ध्व॒र॒स्य । अ॒ध्व॒र॒स्य हो॒तः । हो॒तः पा॒व॒क ।
पा॒व॒क शो॒चे ॥ 32 (50/56)

T.S.4.3.13.5 - Kramam

शो॒चे वेः । वेष्ट्वम् । त्वँ हि । हि यज्वा॑ । यज्वेति॑ यज्वा॑ ॥
ऋ॒ता य॒जा॒सि । य॒जा॒सि म॒हि॒ना । म॒हि॒ना वि । वि यत् । यद् भूः ।
भूर् ह॒व्या । ह॒व्या व॒ह । व॒ह य॒वि॒ष्ठ । य॒वि॒ष्ठ या । या ते॑ । ते अ॒द्य ।
अद्येत्यद्य ॥ अ॒ग्नि॒ना र॒यिम् । र॒यि॒म॒श्न॒वत् । अ॒श्न॒वत् पो॒षम् ।
पो॒षमे॒व । ए॒व दि॒वेदि॒वे । दि॒वेदि॒व इति॑ दि॒वे – दि॒वे ॥
य॒श॒सम् वी॒र॒व॒त्त॒मम् । वी॒र॒व॒त्त॒म॒मि॒ति वी॒र॒व॒त् – त॒मम् ॥

चतुर्थ काण्डे – तृतीयः प्रश्नः – (TS 4.3)

ग॒य॒स्फा॒नो अ॒मी॒व॒हा । ग॒य॒स्फा॒न इति॑ ग॒य – स्फा॒नः । अ॒मी॒व॒हा
व॒सु॒वित् । अ॒मी॒व॒हे॒त्यमी॒व – हा । व॒सु॒वित् पु॒ष्टि॒वर्द्ध॑नः । व॒सु॒विदि॑ति
व॒सु – वि॒त् । पु॒ष्टि॒वर्द्ध॑न इति॑ पु॒ष्टि – वर्द्ध॑नः ॥ सु॒मि॒त्रः सो॒म ।
सु॒मि॒त्र इति॑ सु – मि॒त्रः । सो॒म नः । नो॒ भव॑ । भवे॑ति॒ भव॑ ॥
गृ॒हमे॒धास॒ आ । गृ॒हमे॒धास॒ इति॑ गृ॒ह – मे॒धासः॑ । आ ग॒त ।
ग॒त म॒रुतः॑ । म॒रुतो॑ मा । मा॒ऽप । अ॒प भू॑तन । भू॒तने॑ति॒ भूत॑न ॥
प्र॒मु॒ञ्चन्तो॑ नः । प्र॒मु॒ञ्चत॑ इति॑ प्र – मु॒ञ्चन्तः॑ । नो॒ अ॒ह॒सः ।
अ॒ह॒स इत्य॑ह॒सः ॥ पू॒र्वी॒भिर्. हि । हि द॑दा॒शि॒म ।
द॒दा॒शि॒म श॒रद्भिः॑ । श॒रद्भिर् म॒रुतः॑ । श॒रद्भिरि॑ति॒ शर॑त् – भिः ।
म॒रुतो॑ व॒यम् । व॒यमि॑ति॒ वय॑म् ॥ म॒हो॒भिश्च॑र्ष॒णीना॑म् ।
म॒हो॒भिरि॑ति॒ महः॑ – भिः ॥ 33 (50/58)

T.S.4.3.13.6 - Kramam

च॒र्ष॒णी॒नामि॑ति॒ चर्ष॑णी॒नाम् ॥ प्र॒ बु॒ध्निया॑ । बु॒ध्निया॑ ई॒रते॑ ।
ई॒रते॑ वः । वो॒ म॒हा॒सि॑ । म॒हा॒सि॑ प्र । प्र॒णा॒मा॒नि । ना॒मा॒नि
प्र॒य॒ज्य॒वः । प्र॒य॒ज्य॒वस्ति॑र॒ध्वम् । प्र॒य॒ज्य॒व इति॑ प्र – य॒ज्य॒वः ।
ति॒र॒ध्वमि॑ति॒ तिर॑ध्वम् ॥ स॒ह॒स्रि॒यम् द॑म्यम् । द॑म्यम् भा॒गम् ।

तैत्तिरीय संहिता क्रम पाठे (TS 4.3)

भा॒गमे॒तम् । ए॒तम् गृ॒हमे॒धीय॑म् । गृ॒हमे॒धीय॑म् मरु॒तः । गृ॒हमे॒धीय॑मि॒ति
गृ॒ह – मे॒धीय॑म् । मरु॒तो जु॒षद्ध्व॑म् । जु॒षद्ध्व॑मि॒ति जु॒षध्व॑म् ॥
उप॒ यम् । यमे॑ति । ए॒ति यु॒वतिः॑ । यु॒वतिः सु॒दक्ष॑म् । सु॒दक्ष॑म् दो॒षा ।
सु॒दक्ष॑मि॒ति सु – दक्ष॑म् । दो॒षा वस्तोः॑ । वस्तो॑र् ह॒विष्म॑ती ।
ह॒विष्म॑ती घृ॒ताची॑ । घृ॒ताची॑ति घृ॒ताची॑ ॥ उप॒ स्वा । स्वै॒नम् ।
ए॒नम॑र॒मतिः॑ । अ॒रम॑तिर् वसू॒युः । वसू॒युरि॑ति वसु॒-युः ॥ इ॒मो अ॑ग्ने ।
इ॒मो इ॒तीमो॑ । अ॒ग्ने वी॒तत॑मानि । वी॒तत॑मानि ह॒व्या । वी॒तत॑मा॒नीति॑
वी॒त – तमा॑नि । ह॒व्याऽज॑स्रः । अ॒जस्रो॑ वक्षि । व॒क्षि दे॒वता॑तिम् ।
दे॒वता॑ति॒मच्छ॑ । दे॒वता॑ति॒मिति॑ दे॒व – ता॑तिम् । अ॒च्छे॒त्यच्छ॑ ॥
प्र॒ति नः॑ । न॒ ई॒म् । ई॒ञ् सुर॑भीणि । सुर॑भीणि वियन्तु । वि॒यन्ति॑ति
वियन्तु ॥ क्री॒डं वः॑ । वः श॒र्द्धः॑ । श॒र्द्धो मारु॑तम् । मारु॑तम॒नर्वा॑णम् ।
अ॒नर्वा॑णञ् रथे॒शुभ॑म् । रथे॒शुभ॑मि॒ति रथे॑ – शु॒भम् ॥ 34 (50/56)

T.S.4.3.13.7 - Kramam

क॒ण्वा अ॒भि । अ॒भि प्र॑ । प्र॒ गाय॑त । गा॒यते॑ति गा॒यत॑ ॥ अ॒त्यासो॑ न ।
न ये॑ । ये॒ मरु॑तः । मरु॑तः स्व॒ञ्चः॑ । स्व॒ञ्चो यक्ष॑दृशः ।
यक्ष॑दृशो॒ न । यक्ष॑दृश इति यक्ष – दृशः॑ । न शु॒भय॑न्त ।

चतुर्थ काण्डे – तृतीयः प्रश्नः – (TS 4.3)

शु॒भय॑न्त॒ मर्याः॑ । मर्या॑ इति॒ मर्याः॑ ॥ ते ह॒र्म्ये॒ष्टाः । ह॒र्म्ये॒ष्टाः
शि॒शवः॑ । ह॒र्म्ये॒ष्टा इति॒ हर्म्ये॑ – स्थाः । शि॒शवो॑ न । न शु॒भ्राः ।
शु॒भ्रा व॒थ्सासः॑ । व॒थ्सासो॑ न । न प्र॒क्री॒डिनः॑ । प्र॒क्री॒डिनः॑ पयो॒धाः ।
प्र॒क्री॒डिन इति॑ प्र – क्री॒डिनः॑ । पयो॒धा इति॑ पयः – धाः ॥ प्रैषाम् ।
ए॒षाम॒ज्मेषु॑ । अ॒ज्मेषु॑ वि॒थुरा॑ । वि॒थुरे॒व । इ॒व रे॒जते॑ । रे॒जते॑ भू॒मिः ।
भू॒मिर् या॒मेषु॑ । या॒मेषु॑ यत् । यद्ध । ह॒ यु॒ञ्जते॑ ॥ यु॒ञ्जते॑ शु॒भे ।
शु॒भ इति॑ शु॒भे ॥ ते क्री॒डयः॑ । क्री॒डयो॑ धुनयः । धुनयो॑
भ्राज॑दृष्टयः । भ्राज॑दृष्टयः स्वयम् । भ्राज॑दृष्टय इति॒ भ्राज॑त्-ऋ॒ष्टयः॑ ॥
स्वयम् म॒हित्वम् । म॒हित्वम् प॑नयन्त । म॒हित्वमि॑ति म॒हि – त्वम् ।
प॑नयन्त धू॒तयः॑ । धू॒तय इति॑ धू॒तयः॑ ॥ उ॒प॒ह्वरे॑षु यत् ।
उ॒प॒ह्वरे॑ष्वित्युप – ह्वरे॑षु । यद॒चिद्ध्वम् । अ॒चिद्ध्वं य॑यिम् ।
य॒यिं व॑यः । वय इ॒व । इ॒व म॒रुतः॑ । म॒रुतः॑ केन () ।
केन॑ चित् । 35 (50/56)

T.S.4.3.13.8 - Kramam

चित् प॒था । प॒थेति॑ प॒था ॥ श्रो॑त॒न्ति॒ को॒शाः॑ । को॒शा उप॑ ।
 उप॑ वः । वो॒ रथे॑षु । रथे॒ष्वा । आ घृ॑तम् । घृ॒तमु॑क्षत ।
 उ॒क्षता॑ मधु॒वर्णम् । मधु॒वर्ण॑म॒र्चते॑ । मधु॒वर्ण॑मि॒ति मधु॑ - वर्ण॒म् ।
 अ॒र्चत॑ इत्य॒र्चते॑ ॥ अ॒ग्निम॑ग्नि॒ꣳ हवी॑मभिः ।
 अ॒ग्निम॑ग्निमि॒त्यग्नि॑म् - अ॒ग्निम् । हवी॑मभिः सदा॑ । हवी॑मभि॒रिति॑
 हवी॑म - भिः । सदा॑ हवन्त । ह॒वन्त॑ वि॒श्वप॑तिम् । वि॒श्वप॑तिमि॒ति
 वि॒श्वप॑तिम् ॥ ह॒व्यवा॑हम् पु॒रुप्रि॑यम् । ह॒व्यवा॑हमि॒ति ह॒व्य - वा॑हम् ।
 पु॒रुप्रि॑यमि॒ति पु॒रु-प्रि॑यम् ॥ तꣳ हि । हि श॑श्चन्तः । श॑श्चन्त॒ ईड॑ते ।
 ईड॑ते सु॒चा । सु॒चा दे॒वम् । दे॒वम् घृ॑तश्चुता॑ । घृ॒तश्चु॑तेति॒ घृ॑त-श्चुता॑ ॥
 अ॒ग्निꣳ ह॒व्याय॑ । ह॒व्याय॑ वो॒ढवे॑ । वो॒ढव॑ इति॒ वो॒ढवे॑ ॥ इन्द्रा॑ग्नी
 रो॒चना॑ । इन्द्रा॑ग्नी इतीन्द्र॑ - अ॒ग्नी । रो॒चना॑ दि॒वः । दि॒वः श्न॑थत् ।
 श्न॑थद् वृ॒त्रम् । वृ॒त्रमिन्द्र॑म् । इन्द्रं॑ वः । वो॒ विश्व॑तः । विश्व॑तस्परि॑ ।
 प॒रीन्द्र॑म् । इन्द्र॑ नरः । नरो॑ विश्व॑कर्मन् । विश्व॑कर्मन् ह॒विषा॑ ।
 विश्व॑कर्म॒न्निति॑ विश्व॑ - क॒र्मन् । ह॒विषा॑ वावृ॒धानः॑ । वावृ॒धानो॑
 विश्व॑कर्मन् । विश्व॑कर्मन् ह॒विषा॑ । विश्व॑कर्म॒न्निति॑ विश्व॑ - क॒र्मन् ।

चतुर्थ काण्डे – तृतीयः प्रश्नः – (TS 4.3)

ह॒वि॒षा॒ व॒र्द्ध॑ने॒न । व॒र्द्ध॑ने॒नेति॑ व॒र्द्ध॑ने॒न ॥ 36 (46/53)

(सूर्य॑स्य – म॒नु॒षो – म॒रु॒तः – पा॒व॒क – महो॑भी – रथे॑शु॒भ –
ङ्गे॒न – षट्च॑त्वारि॒ंशच्च॑) (A13)

Prasna Korvai with starting Padams of 1 to 13 Anuvaakams :-

(अ॒पा॒न्त्वे॑म – न्न॒यं पु॒रो भु॒वः – प्रा॒ची – ध्रु॒व॒क्षि॑ति – स्त्र्य॒वि –
रि॒न्द्रा॒ग्नी – मा छ॑न्द – आ॒शु॒स्त्रि॒वृ – द॒ग्ने॒र्भा॒गो – ऽस्ये॑क –
ये॒यमे॒व सा या – ऽग्ने॑ जा॒ता – न॒ग्नि॒र्वृ॒त्राणि॑ – त्रयो॑दश)

Korvai with starting Padams of 1, 11, 21 Series of Panchaatis :-

(अ॒पा॒न्त्वे – न्द्रा॒ग्नी – इ॒यमे॒व – दे॒वता॑ता – षट्त्रि॑ंशत्)

First and Last Padam of Third Prasnam of Kandam 4 :-

(अ॒पा॒न्त्वे॑मन् – ह॒वि॒षा॒ व॒र्द्ध॑ने॒न)

॥ हरिः ओं ॥

॥ इति चतुर्थ काण्डे तृतीयः प्रश्नः – क्रम पाठः समाप्तः ॥

=====

तैत्तिरीय संहिता क्रम पाठे (TS 4.3)

Details of Panchati, Padam and Krama Vaakyam -

Kandam 4 Prasanam 3 - TS 4.3

	Panchati	Padams	Krama Vaakyams
Anuvakam 1	1	65	67
Anuvakam 2	3	130	170
Anuvakam 3	2	128	156
Anuvakam 4	3	167	209
Anuvakam 5	1	76	92
Anuvakam 6	2	106	123
Anuvakam 7	2	106	110
Anuvakam 8	1	37	59
Anuvakam 9	2	96	120
Anuvakam 10	3	135	178
Anuvakam 11	5	269	306
Anuvakam 12	3	133	157
Anuvakam 13	8	396	448
Total →	36	1844	2195